

卷七

六百五十一

六百六十卷





文苑英華卷第六百五十一

諫諍

諫東宮啓一首

諫東宮左右非其

諫東宮引突厥達哥友入宮內啓一首

重諫東宮啓一首 規正東宮啓一首

重上直言諫東宮啓一首 諫東宮啓三首

上東宮啓二首

諫東宮啓

于志寧

按舊唐書太子承乾以農時營造曲室志寧上此書  
又載六百六十七卷書門今存其目

諫東宮左右非其人啓

前人

此篇按舊唐書是諫承乾第二書當移入六百六十七



卷書門今存其目

諫東宮引突厥達哥友入宮內啓 前人

按舊唐書志寧上太子承乾第三書又載六百六十

七卷書門今存其目

重諫東宮啓

此篇按舊唐書是諫承乾第三書當移入六百六十

七卷書門今存其目

規正東宮啓

高宗時 太子賢

常承慶

儀鳳四年為太子司儀郎

臣承慶言伏以殿下國之儲貳主器承祧百姓繫心萬方延首  
行一事天下所瞻出一言天下所聽動靜不可以不慎進退不  
可以不思固須數引正人詢謀得失使忠言日聞於耳善事每  
關於心所為合度必自知其過如此則正心起邪心息德業日

新聲聞彌廣福祿可以長守榮位可以久安若諂諛在側忠良  
不進意有所向則合詞稱善言未出口則同聲稱美有非莫悟  
有過莫知便自謂神眷聰明超絕今右驕溢之漸常必由之伏  
願特眷留情每存規誡聞過必改見善必行朝夕孜孜常恐不及  
則邦家是賴天下幸甚進德脩業大易垂文說禮敦詩春秋所  
貴尚書云念終始典于學禮去玉不琢不成器人學不知道孔  
子曰吾常終日不食終夜不寢以思無益不如學也殿下昔在  
藩邸耽讀典墳論道觀書匪朝伊夕自升儲貳已歷炎涼侍讀  
承言稍以稀簡雖眷姿天挺神用生知器業自然非求外獎然  
更加研勵彌益風猷伏願數召儒生勤修學藝縑緗不離於左  
右披閱無捨於光陰使日知所未知月聞所未聞凡在匹夫苟  
能強學猶可以高取名譽坐致簪纓况殿下以儲后之尊而能

留心於學德音之美固無得而稱焉畋獵馳騁敗德之源必須  
順動不可以盤遊無度至於從禽逐獸絕野馳原駭足雲飛輕  
孤電舉當其適意豈憚艱危無險不陵無深不赴忽然奔馬委  
轡猛獸逸羣致驚駭之憂貽顛墜之患雖有所悔如何可及夫  
以千金之子猶且坐不垂堂况在萬國之負豈可不思重慎殿  
下初升儲位養德春闈理宜靜默自居文史為務不可數為遊  
縱以損德音尚書云內作色荒外作禽荒酣酒嗜音峻宇彫墻  
有一於此未或不亡伏願詳覽古今以為覽誠殿下驅使之人  
每於比門召入如比等色皆是險利小人緣得供奉祇承自謂  
別蒙恩幸外則妄為威福內則專事諂諛巧媚百端以求顏色  
日為一事時進一言漸漬纖微遂成瑕累比之浸潤最難覺察  
特須斥遠屏黜不宜親近左右殿下皇儲國嗣帝子天孫府庫

充盈宮室崇麗但使不為鄙僻不作奢淫凡所營求有司畢備  
何籍此等別有祇承今南衙官寮皆是搢紳士子或者年舊德  
博識洽聞或雅望英材修身潔行莫不策名委質奉事殿下自  
非陪扈法仗不得一奉宸顏豈有僕隸與而可特承恩眎伏願  
一皆杜絕勿許更至官闈所見者唯端士正人所聞者唯詩禮  
典誥則邪孽無由而起咎悔無從而生眷德彌高休聲日遠伏  
見今年六月三十日令書以崇文館中學士極少令賓客庶子  
詹事及宮官五品以下各舉所知令出已來日月已久官寮所  
舉咸已進名迄至於今更無進止殿下敦崇學藝廣訪時英天  
下四方莫不忻悅文學之士飭躬待問而淹歷時序未有指歸  
朝廷縉紳咸謂殿下徒有其聲而無其私談竊議頗盈衆口但  
令出未行理非虛設舉能進善其事不輕一降令書終年寂寞

天下英雄誰不解體此乃欲益反損應事更非伏願於賓客庶子等量宜早爲處分事或不可專決亦須速以聞奏不可淹延致招誹議今關隴之外蕃夷寇竊國家將申弔伐大興師旅轉輸給用糜費日多聖上內恤黎元外憂疆場宵衣旰食陽憲兢懷殿下在國爲諸君在家爲長子事兼國家何以自寧至於居處服翫飲食聲樂並請務從省約以助聖上憂勞不可每事豐華自爲安逸儲副之尊士庶瞻仰雖宮闈務簡不資每日生朝至於朔望之辰諸王賓客咸萃皆欲親承眷旨肅奉宸儀伏見秋冬已來累月不曾一坐恭己之義竊謂有虧伏覲每至此朝特臨法仗則殿下無宴之逸羣寮有趨奉之歡臣聞體寬裕之德者在乎納諫懷中負之極者期於盡節是知君以不諱昭其美臣以無隱達其誠固君臣之大義古今至通道伏惟殿下挺

叡研機疑負毓照處帝王之元子爲億兆之副君當其冊命之初天下含齒戴髮童兒牧豎莫不歡忻踴躍抃舞謳歌者以殿下至德至仁克忠克孝故能上當天意下應人心雖夏邦建啓周朝立誦不之及也但能行之以道守之以仁居安憲危在滿防溢一日三省一事九思知稼穡之艱難省宮苑之遊翫正辭雅誥每關心術好聲亂色不留聰明忠讜者引而親之便接者屏而遠之則可以長主宗壘永在國本照黃離以保元吉居蒼震而亨利貞臣出自膠庠卽參藩卽微班再易馳年十變短才弱翰濫蒙甄獎書記文章特受思寄泊乎嗣登銀榜復得忝侍銅闈俯存簪履之餘仰攀鱗羽之末蕩蕩鴻澤一作鴻澤霑濡不巴區區淺志答効無階所以輪鑿心源瀝盡肝血奉芻蕘之片議獻狂瞽之一言庶輕露馳聲簿滋於少海纖塵驟影微助於

遙山逆耳儻申觸鱗其罪無任控款之至謹奉啓以聞

重上直言諫東宮啓

高宗時

前大

臣聞太子者君之貳國之本也所以承宗廟之重繫億兆之心萬國以負四海屬望殿下以仁孝之德明春之姿岳峙泉淍金貞玉裕天皇升殿下儲副寄殿下以監撫欲使照無不及思無不覃百寮仰重耀之輝萬姓聞滂雷之響夫君以人爲本人以食爲命君非人無以保其位人非倉無以全其生故孔子曰百姓足君孰興不足百姓不足君孰與足自頃年來頻有水旱菽粟不能豐稔黎庶自致煎窮今夏亢陽米價騰踴貧窶之空無以自資朝反皇皇惟憂餒饉下人之瘼實可哀矜稼穡艱難所宜詳悉天皇所以垂衣此極殿下所以守器東朝一字作爲天下之所尊得天下之所利者豈惟上玄之幽贊亦百姓之力也

百姓危則社稷不得獨安百姓亂則帝王不得一作能獨理故古

人云二字一能之明君飽而知人飢温而知人寒每以天下爲憂不

以四海爲樂今關隴之外凶寇憑陵西土邊氓凋喪將盡干戈

日用烽柝荐驚一作興千里有勞於饋糧三農不遑於稼穡雖烽

蠶之小毒亦足以煩師旅而擾邊隅矣殿下爲臣爲子乃國乃

家爲臣在於竭忠爲子期於盡孝在家不可以自逸在國不以

自康一物有虧聖上每留神念三邊或梗殿下豈本兢懷况當

養德之秋非是任情之日伏承比門之內造作不常翫好所營

或有煩費倡優雜伎不息於前鼓吹繁聲亟問於外既喧聽覽

且黷宮闈兼之僕隸小人緣此得親左右亦既奉承顏色能不

恃賴一作託一累光作福作威莫不由此若不一作不加防慎必有

愆非儻使微思德音於後悔之何及書云不作無益害有益此

皆無益之事固不可耽而悅之悅之臣又聞在上不驕高而不  
危制節謹度滿而不溢高而不危所以長守貴滿而不溢所以  
長守富是知高危不可不慎滿溢不可不特易曰君子終日乾  
乾夕惕若勵無咎敬慎之謂也在於凡庶能守而行之猶可以  
高振聲華坐致榮祿殿下有少陽之位有天挺之姿片善而天  
下必聞小能而天下咸服豈可不為盡善盡美之道以取可久  
可大之名哉伏願博覽經書以廣其德屏聲色以抑其情諍默  
無為恬虛寡欲非禮勿動非法不言若處服玩必修節儉畋獵  
遊娛不為馳騁一作縱正人端士必引而親之便僻側媚必斥而  
遠之使惠聲溢於遠近仁風翔於內外則可以享終吉長保利  
貞為上嗣之稱首奉聖人之鴻業者也一作矣臣昔忝朱邱忝膠  
東之藩吏晚侍青宮叨望苑之儲案每得親承眷聘側宸規出

入銀榜之前且暮銅樓之下小人頂戴無以勝恩區區淺誠竊  
不自已古人耻其君不及堯舜臣亦願殿下超於啓發是以冒  
進狂言庶有禪於萬一微生萬死實無恨於三泉謹啓

一作皆舊唐書本傳

諫東宮啓三首

姚珽

按舊唐書節愍太子舉事不法珽上書三篇

並見六百六十七卷書門今存其目

上東宮啓

睿宗時玄宗為太子

李景伯

景雲終太子右庶子

臣聞書曰惟上帝不常作善降之百祥作不善降之百殃禍福  
之來惟人所召應符影響可不懼哉伏惟殿下稟粹重離擣英  
若木道光儲貳譽表元良授凶祲而邦家以寧贊寶曆而皇祚  
方永凡在羣品莫不仰賴語成則已大矣論盛業則已崇矣

唯當養德青宮問安紫極去惡除本為善務滋納忠謹於正人  
杜浮媚於邪於逕遊心經史引接文儒覽古今之得失為行事  
之龜鏡日新其美豈不盛歟近承諂曲之徒私進女色莫非倡  
蕩穢跡可知將入宮闈以為娛樂傷教敗禮豈復是過及其出  
入矜誇恩幸坊曲之間能無漏泄至如榮忝簪笏跡預朝廷稍  
涉姦私尚為深累况一國之儲副萬方所瞻奉焉可不自戒且  
政之興衰皆由化下自上所及若草隨風理在必然不可不慎  
竊惟後宮命婦負品稍多兼選良人固為淑麗止足之賞歟詎  
假旁求此非幾下之本心且被小人之所誤臣實庸鄙智識無  
聞濫齒榮班謬參宮相職在規諫冀申裨補若其嘿而自守何  
以上谷聖恩非直戶素之罪人當亦神祇之所譴敢罄愚直以  
効涓塵伏願悔已往之失知耶非之弊念色荒之誡懲縱敗之

言勿近小人無聽邪說常恐有失兢懼為心則春德被於羣方  
頌聲振於眡俗天垂福祐永保無疆儻蒙採納幸甚幸甚謹昧  
死奉啓以聞輕觸威嚴休待斧鉞謹啓

上東宮啓

玄宗在東宮遣使采  
文樂就率更寺肄習

賈曾

景雲中為  
太子舍人

臣聞

作樂崇德以感人神詔夏有容成英有節婦人蝶黷無預其間  
昔魯用孔子幾致舊唐書  
作至於霸齊人懼之饋女樂魯君既受孔

子遂行戎有由余兵強國富秦人反間饋之美女戎王耽悅由  
余乃奔斯則大聖賢君舊唐書  
作名賢疾之已久良以婦人為樂必務

治容姪姣動心盡感喪志上行下効淫俗將成敗國亂人實由  
茲起伏惟幾下神武今代文思登庸宇內顒顒瞻仰德化而渴  
賢之美未被於眡謹好妓之聲或聞於人聽豈所以追啓誦之  
徵烈襲堯舜之英風者哉至若監撫餘閑宴私多豫後庭妓樂



古或有之非以風人爲弊猶隱至於所司教習彰示羣寮慢妓  
淫聲實虧春化伏願下明舊唐書令發德音屏倡優敦雅頌率  
更女樂並令禁斷諸使採召一切皆停則朝野內外皆知幾下  
放鄭遠倭輝光日新凡在含生敦不放戴謹啓

文苑英華卷第六百五十一

登仕郎胡柯 鄉貢進士彭

叔夏校正

文苑英華卷第六百五十二

啓二首

勸學

上東宮勸學啓一首 上東宮請講學啓一首

薦士

上桂州李中丞薦盧遵啓一首

薦韓乂啓一首 薦王寧啓一首

賀官雜賀附

賀陸相同公并一首 賀趙相公并相啓一首

賀趙江陵宗儒辟符戴啓一首

賀裴相公破淮西啓一首

賀門下裴相公啓一首

賀門下李相公啓一首

賀中書門下平澤潞啓一首

賀相國汝南公啓一首 賀高相公除荆南啓一首

勸學

上東宮勸學啓

立宗為太子時

劉憲

臣以今月二十一日侍從外叅親奉令旨令臣勾當所進書隨了隨進并語臣云當今閑暇正好讀書臣自承殿下之好尚私歡喜不能自勝伏惟天縱神武生知春哲誠時與理會固無待勤求然自古及今皆重於學至於光輝盛德發揚令問安靜身心保寧家國除此之外更無以加常人讀書擬于爵祿事須精熟乃堪試練殿下居副君之位有絕世之才豈假尋章摘句哉蓋應略知大意而已用功甚少為利極多伏願克成美志無棄暇日上以慰至尊之心下以答庶寮之望幸甚幸甚時讀褚無

量經明行脩在朝宰匹是以皇帝簡擇令侍殿下謂宜時蒙召問而察其言臣以愚劣忝迹士端區區之誠莫不整竭謹啓

上東宮請講學啓

玄宗為太子時

張說

臣某等啓臣聞安國家定社稷者武功也經天地緯禮俗者文教也社稷定矣固寧輯於人和禮俗興焉在刊正於儒範順考右道率由舊章故周文王之為太子也崇禮不倦魏文帝之在春宮也好古無怠博覽史籍激揚令聞取高前代垂名不朽伏惟皇太子殿下英眷天縱聖敬日躋神算密發雄威立斷立廓清氛稷用寧家國兆人由是歸德六合所以推功主營青宮固本也分務紫極觀政也副君羊生之望作累聖之儲殿下之於天下可謂不輕矣監國理人可謂至重矣莫不拭目而視清耳而冀聽聞異政以裨聖道臣愚伏願崇太學簡明師重道尊儒

以養天下之士今禮經殘缺學校陵遲歷代經史率多繆實殿  
下闡揚之日刊定之秋伏願博採文士旌求碩學表正九經刊  
考三史則聖賢遺範粲然可觀况幾下至性神聰明留情國體  
幸以問安之暇應務之餘引進文儒祥觀文典商略前載討論  
得失降溫顏開讜議則政途理體日以增益繼業承祧求垂美  
臣等行業素輕藝能寡薄願慙端士叨侍宮闈日夜祇懼無以  
匡輔區區微誠願効塵露輕進芻鄙垂採擇臨啓如失伏用兢  
惺謹啓

手令答日經史脫誤事資刊理自非通儒孰詳大義侍讀等升  
堂觀集作觀奧能定闕文今司經崇文皆有舊籍敬承來教即令  
考序頃日以來未暇數集作接對何嘗少選而忘德音尋當叙進  
羣英集作公冀開餘論仍令集作錄留本以代書紳

薦士

上桂州李仲丞薦盧遵啓

柳宗元

其啓凡士之當顯寵貴劇則其受賜於人也無德心焉何也彼  
將日吾勢能得之是其所出者大而其報也必細居窮厄困辱  
則感繫捧戴萬萬有駕是其所出者小而其報也必巨審矣故  
凡明智之君子務其巨以遺其細則功業光乎當時聲名流乎  
無窮其所以敷之於申者異也若宗元者可謂窮厄困辱者矣  
世皆皆去顯顯曠野獨賴大君子以明智垂仁問訊如平生光  
輝囚銅若被文繡嗚呼世之知止足者鮮矣既受厚遇則又有  
不已之求以黷閭下之嚴威然而亦欲出其感繫捧戴而効其  
巨者伏惟閣下留義裁擇幸甚幸甚伏以外族積德如厚以為  
家風周齊之間凡弟三人咸為帝者師孝仁之譽高於他門伯

舅叔仲咸以孝德通於鬼神為王事所紀速相國彭城公嘗號  
于天下名其孝以求其類則其後咸宜碩大光寵以充神明之  
心今乃彫喪淪落莫有達者豈與善之道無可取耶獨內弟盧  
遵其行類儲父靜專溫雅好禮而信節以文墨達於正事今所  
以閔於閣下者無怍於心無愧於色焉以宗元棄逐枯槁故不  
求達仕不務顯名而又難乎其進也竊高閣下之舉賢容眾故  
願委心焉則施澤於遵過於厚賜小人也遠矣以今日之刑勢  
而不廢其言使遵也有籍名於天官獲祿食以奉養用成其志  
一舉而有知恩之地地集作士二焉可不謂務其巨者乎伏惟試詳  
言焉而無實罪也其敢逃大譴七字集作罪其敢逃進退恐懼不知所裁  
不宜謹啓

薦韓又啓

某啓昨日所啓言韓拾遺事非與韓求衣食救飢寒也御史亦  
豈為救飢寒之官乎中丞必曰大梁奏取韓以飢寒何不去夫  
幕吏乃古之陪臣以人為北面雖布衣無恥之士亦宜防其樂  
與不樂况有恥集作道之君子乎韓以族寓終中非不樂汴集作梁  
也不其不告之請耳韓及弟後歸越中作沈公江西宣城府罷  
唐扶中丞辟於閩中罷府歸路由建州妻為元晦同高祖妹惡  
晦為人省之及晦得越乃棄產避之居常州殷儼者仰韓之  
道自閩寄百縑遺之及門不開書緘而斥去之牧比兩府同院  
但見其廉慎高潔亦未知其道大和八年自淮南有事至越見  
韓居集作居於鏡上三畝宅兩頃田樹蔬釣魚唯召明僧為侶餘  
力究易嬉嬉然無日不自得也未嘗及身名出處之語未嘗入  
公府造請與幕吏宴遊因此不為搢紳相所見禮蕭高二連師

至即日造其廬詢以集作政事稱先人梓材有文學高明沒於

越之府幕故不願復為越賓及高至許下厚禮辟之其為人

也負繁芳茂非其人不與遊非其食不敢食蕭舍人考功崔負外

是趨於韓交者牧復趨於蕭崔二君子者即韓之去牧其間不

啻容數十人矣亦安得知其賢而言之復不憤乎伏恐中丞謂

韓求官以衣食干交朋者中丞初在憲府固宜慎選御史御史

固非救飢寒之官某又承恩知但欲薦賢於盛時雖至淺陋亦

知不可以交友飢寒求清秩以干大君子者伏恐集作未審誠

懇故此具陳本未伏惟照察謹啓

薦王寧啓

前人

某啓前渭南縣令王寧前件官實有吏才稱於衆口年少強力

一也遇事必能裁割二也既蘊智能無頭角誇誕之也廉直可

保四也處於驕將內臣之間必能和同五也今者邊將生事雜

求起戎不憂兵甲唯在饋運某過承恩獎輒敢薦才伏惟取舍

之間特賜恕察謹啓

賀官雜賀附

賀陸相公拜相啓

呂頌

某啓伏見詔書相公拜上臺之位寅亮天工登翊王室弼成代

化佇致和平叶一人慶卜之求副四海具瞻之望凡在中外孰

不慶幸方今聖主文明天下思理兵革不舉於茲十年黎元有

再安之望戎馬有歸牧之勢夫物應有兆機生其徵制動者守

乎靜求直者端乎表秉鈞者慎始而圖其終也相公天實生德

錫我皇家顛顛蒼生遙首以望蠻夷左衽亦仰無窮某守任遐

荒戢在邊鎮瞻戀欣抃無任下情

賀趙相公并相啓

前人

某啓伏見某月日詔書伏承相公膺啓沃之心登輔弼之任人望已久天意下從休聲颺馳洽浹海內凡在世庶无不勝慶幸伏以階下文德聿修武功克靜履冷不作昇漸階正可乘天時以創制人因事以立法天其或者必以相公乘啓聖之運致仁壽之期自然百度以真九流戎叙霜露所墜罔不開化蠢動含生皆遂其性致君堯舜何獨古人某受命荒服職在天涯瞻望喜躍無任下情

賀趙江陵宗儒辟符載啓

抑宗元

某啓伏聞以武都符載爲記室天下立志之士雜然相顧繼以歎息知爲善者得其歸嚮流言者有所問執直道之所行義風之所揚堂堂焉實在荆山之南矣幸甚幸甚夫以符君之藝術

志氣爲特聞人才位未會盤栢固又中間因緣陷在危邦與特偃仰不廢其道而爲見忌嫉者橫致唇吻房給事以高節特立明之於朝王吏部以清議自任辦之於外然猶小人浮議困在交戟凡諸候之欲得符君者城隍壤接而惑於騰沸環視相讓莫敢先舉及受署之日則皆開口垂臂張望悼悔譬之求珠於海而徑寸先得則衆皆快然罷去知竒寶之有所歸也嗚呼巧言難明下流多謗自非大君子出世之氣則何望焉瞻望清風若在天外無任感激欣躍之至輕贖陳賀不勝戰越不宣謹啓

賀裴相公破淮西啓

元稹

某啓伏見當道節度使牒伏承相公生擒吳元濟歸斬闕下功高振古事絕稱言億兆謳呼天下幸甚某聞舉世非之而心不惑者謂之明韋疑未亡而計先定者謂之智曰者天棄淮蔡蓄

馬汙猪五十年間三后垂顧耿爾元濟繼為凶妖謂君命可逃  
以父死為利聖上以春謨神筭方議剪除羣下守見習聞咸懷  
沮沮公莫敵獨運卓立不回內排疑惑之詞外輯異同之旅三  
軍保任一意誅鉅投石之卵雖危拒輪之臂猶奮賴閣下忠誠  
憤激親自拊巡靈旗一臨餘沴電掃此所謂候周公而後淮夷  
服得元凱而後吳寇平凡在陶甄孰不忻幸况某早趨門館抃  
躍尤深僻守遐荒不獲隨例拜賀無任踴躍徘徊之至

賀門下裴相公啓

劉禹錫

某啓伏以相公含道傑出降神挺生坐籌以弼春暮秉鉞以行  
天討風雲助氣山岳效靈制勝於罅俎之間指蹤於講縹之未  
蕭斧既定衮衣以歸君心如魚水人望如風草一德交暢萬方  
集集作和平運神思於供爐納生靈於壽域文武丕續冠于右今

某恪守遐荒不獲隨例拜賀瞻望抃躍無人下情

賀門下李相公啓

自西川入為大夫并相

前人

某啓伏以聖君當功成愷樂之日而求賢愈切思治益深是上  
玄垂休歆速致大平之明効以相公事業而逢此侍天下之人  
視仁壽之城其猶尋尺故命書所至德風隨之微材片善咸自  
磨拂况同主國柄如吹埴篴含生之倫唯所措置日月亭午物  
無邪陰聖賢合德人識正道雖居畎畝足以詠歌某遐守要荒  
不獲隨例拜賀私感竊抃實陪恒情

賀中書門下平澤路啓

杜牧

某啓伏以上黨之地肘京洛而復蒲津倚太原而跨河朔戰國  
時張儀以為天下之春建中曰田悅名曰腹中之眼帶甲十萬  
藉土五州大行夷儀為其高關健馬強弓為其羽翼自逆黨專

有僅及一事破聞教育實曰精強肱者凶豎專地之請初陳聖  
主整旅之詔將下中外遠迓皆疑難攻烽蠱螳娘頰亦自負伏  
惟相公上符神斷潛運廟謀伏宗社威靈驅風雲雷電掌上必  
取穀中難逃纒逾周星果梟逆首周公東征之役捷至三年憲  
皇淮夷之師越聞四歲校虜寇之強弱曾不等倫考攻取之敗  
亡何至容易若非春筭英畋借箸深謀比之前脩一何遠出自  
此鞭笞反側洒滄河滄大開明堂再振儒校窮天盡地皆為壽  
域之人亦子秀眉其老止戈之代某謬分行符實由恩知慶快  
歡抃之誠倍百常品不宣謹啓

賀相國汝南公啓

李商隱

某啓日者慶屬中興運推常武仰窺金版遐考瑤圖順祖之孝  
思丹青曾閱憲皇之武力刀机彭帝聖上初政替泉登三佩契

以右稷岐嶷為小慧故人莫得知以漢皇雲物為不祥故神無  
所豫洎陟元后洪惟長君固必降非常之人輔惟親之政伏惟  
閣下昭回降彩沆瀣融精往執靈鈺正星辰之分野今調鏤鼎  
猶日月之得天皆軒后師臣集作商王畏相殷奉伊尹則謂之

元聖周事呂尚則命為太公此王者之所以尊賢傑而不為以  
疑也至子姬旦金膝不與燕召同到仲尼麟史不令游夏措辭  
其盤尊舊學之名夷吾居仲父之位此又賢傑之所以自負其  
道而不以為讓也上下交感人祇叶從是我后夷姦秉哲之辰  
是閣不宰物康時之反清廟係心矣蒼生延首矣久也無閣樂  
哉惟時某早奉輝光嘗蒙咳唾年心致譽塵尾交談而契濶十  
年流離萬里扶風歌則刘琨抱英華作跪膝白頭吟則鮑昭撫膺重  
至門闈空餘皮骨方從初服魚補大鈞穿履弊衣正同北郭槁



項萇誠乃集作仍類曹商未知伏謁之期徒切大平之賀下情無任抃賀踴躍之至謹啓

賀高相公除荆南啓

伏以相公承家業峻開國勲高術妙六竒圖精八俾生民皎日聖主迅雷才成破趙之功旋告下齊之楹故得威宣破竹力號拔山弛張七德之中舒卷五車之內東周士庶咸居沸鼎之中西蜀蒸民悉在春臺之上蓋由人事豈屬天時昔漢得韓信而興楚失陳平遂滅今者江騰海沸山動岳搖荆門告累印之危隄楚陳部胎之難赤肩卷地黃巾滔天公候無匡合之才藩鎮乏縱擒之術若不預咨賢哲早託英雉則何異魚遊宋池鷲巢衛幕崑崙大發玉石俱楚歷陽水來智愚同陷雖思嘗膽何補噬臍且擘斷華山宜假巨靈之力決平洪水須憑大禹之才是

以上自一人下同百辟僉云非相公不能定荆楚非相公不能繪貸泉既無易於肩堯遂有成於命說伏計即離彛浦遽赴龍鋪唐堯肝食之憂解黎庶例懸之急某家在湖外即出闕中遂假道於荆關獲起居於梅鼎仰將軍之大樹敢議營巢窺丞相之臣川唯希在藻伏惟照鑒

文苑英華卷第六百五十三

登仕郎胡

柯

鄉貢進士彭叔夏

校正

文苑英華卷第六百五十三  
謝官  
謝實相公除男襄州叅軍仍許隨父啓一首  
謝周相公啓一首  
謝魏相公啓一首  
謝襄州李尚書啓一首  
謝宗卿啓一首  
謝紇干相公啓一首  
謝特相啓二首  
謝奉常僕射啓二首  
謝尚書丞郎給舍啓一首  
謝史館裴相公啓一首  
謝監修相公啓二首  
謝宰相啓一首  
謝諸知己啓三首  
謝實相公除男襄州叅軍仍許隨父啓一首  
呂頌

文苑英華卷第六百五十三

謝官

謝實相公除男襄州叅軍仍許隨父啓一首

謝周相公啓一首

謝魏相公啓一首

謝宗卿啓一首

謝襄州李尚書啓一首

謝紇干相公啓一首

謝特相啓二首

謝集賢相公啓一首

謝奉常僕射啓二首

謝尚書丞郎給舍啓一首

謝史館裴相公啓一首

謝監修相公啓二首

謝宰相啓一首

謝諸知己啓三首

謝實相公除男襄州叅軍仍許隨父啓一首  
呂頌

某啓男元曜蒙恩授襄州叅軍又奉七月初四日勅許令隨父

準例支給料錢者思生不次事出非常仰戴天慈伏荷仁德以欣以懼戰戰交并伏以國朝故事及古名臣惠及黎元勲高社稷則有賞延于代祿及于家或總角腰章或垂髫結綬綺紉拜命襁褓分榮自葉流根蓋超尋典某謬承聖獎猥守方隅政教無聞典禮爰闕男尚幼小濫廝班榮相公念以選荒將與便近更許隨父仍給料錢榮超流輩之中賞過尋章之外退循涯分喜躍伏深限以所守拜謝未由下情伏增戰灼

謝周相公啓

杜牧

某啓伏奉八月三日集作三月八日勅除尚書司勳員外郎史館修撰承命榮懼啓處無地伏以聖主順上帝之則率四海以仁神化風行家至日見古先哲王之德也有求必至有聞必先是傳以傳呂德於夢卜申甫降於山岳伏惟相公待主乃為時而生當考

室構厦之特膺篤繩削墨之任贊傑俊遂賢良調陰陽提記律類能而使度材授官常功如家之憂每懷撻市之恥是以朝廷禮樂天下清明人不調傷神不怨悵萬物由道百度皆負雖周獲仁人商得元哲夢卜隆之岳得豈能逾焉某以樸擻之材糞朽之賤遭逢聖集作業三帶郤符自審事宜實以逾忝伏以睦州治所在萬山之中終日昏氛浸集作染衰病自墨忝官已過不敢率然請告唯念滿歲得保生還不意相公披自汗塗集作昇於霄漢却取斥錮令廁班行仍授名曹帖以重職當受震駭神魂飛揚撫已自驚喜過成泣藥肉白骨香返遊魂言於重思無以過此雖買臣懷絞郡郎蕭育召拜扶風揚撲三組垂腰蘇秦六印在手較於榮忝無以為踰集作言念微生難酬殊造伏以相公自數年已來朝廷舊老四海賢俊皆因提絜集作盡在

門館毗輔聖主巍為元勳自有神明以相百祿顧惟賤未報効  
無門感激血誠涕淚道溢無任攀戀激切懇款之至謹啓

謝座主魏相公啓

為弟作

李商隱

義叟啓伏奉前月二十八勅旨授秘書省校書郎知宗正表疏  
續奉今日五日勅改換集作授河南府叅軍依前充職者小宗伯  
之取士早辱搜揚大宗正之薦賢又蒙抽擢未淹旬日再授班  
資次任重本枝職齊載筆方殊王逸唯注於楚詞有異郝隆但  
攻於蠻語皆相公事均仰翼勢借風雲特於目沒之府借扶搖  
之便孔龜効印未議於酬恩揚首御環徒聞於報惠感抃之至  
罔知所裁謹啓

謝宗卿啓

為弟作

前人

義叟啓伏奉

集作蒙

奏署知表疏官伏奉前二十八日勅旨授秘

書省校書郎續奉今日五日勅改授河南府叅軍者謀少實艱

屯長無才術

集作運

徒以與周同姓從魯諸儒託阮籍之竹林攀

初誥之桂樹曲蒙題目猥被薦聞惟我大朝克崇宗祏叙文昭

武穆之位敦經堯績禹之親豈以斯文失於能者况一蒙旌錄

再在忝恩榮班資將厠於初超賤業幾踰於孫楚感結所至生死

以之即以今日某日發赴所賤登門在近縮地是思維動肺肝

無毛羽伏惟特賜恩察謹啓

謝襄州李尚書啓

温庭筠

某啓某櫟社凡材蕪鄉散質殊無續効堪奉恩明曷當紫極牽  
摺丹墀載鞏顧循虛淺實過津涯豈知盡舸方遊俄昇於桂苑  
蘭局未染已捧於芝泥此皆寵自昇堂榮因著錄勵鴻毛之眇  
質託羊角之高風日用無窮常仰生成之德時來有寧知進取

之規兢惕彷徨莫知所喻未由陳謝攀戀空深

謝紇干相公啓

前人

某啓某材謝梗楨文非綺組聞關千里僅為蠻國叅軍荏苒百  
齡其作荊州從事寧恩羽翼可勵風雲豈知持彼庸疎栖于宥  
密迴顧而漸離緇集作非垢冥昇而欲近煙霄榮非始圖事過初  
願此皆揚芳甄藻發跡門墻立門用賦之年相如入室楚國命  
官之日宋王登臺一日光陰百生輝映未由陳謝伏用兢惶

謝時相啓二首

張玄晏

某啓某今日伏奉宣召伏蒙聖慈令充職翰林者出自延鎔成  
茲忝越循涯積感揣分增榮某洛下諸生隆中散放進取本無  
其聲授歸休復迫於羈離自首為即固乏堂之楨青雲無路但  
其碌碌之嗤愈迫低徊欲成淪沒相公殊常降德不次施恩按

自迷途冥諸密地蒙虎皮於下駟抑以騰驤絳鶩於羽寒鷗教  
之騫翥遂使專詔誥教令之事為言語侍從之臣內省孱微益  
深榮懼謹啓

二

某啓其伏奉今日勅授尚書駕部郎中知制誥依前充職者某  
材殊敏健識異精通既無瓌潤之姿焉有矜嚴之譽謬因鎔鑄  
驟陟煙霄掌禁苑之文詞列金門之侍從顧微鯁淺尋過津涯  
忽自秋而徂冬每素滄而戶祿愈成醜冒益役顯榮相公曲示  
洪鈞重磨頑璞降始終之茂德弘特達之深思再假丹青復掀  
羽翼遂使移粉署應星之列帖掖垣掌誥之名盡出殊私皆為  
華給蚊蚋難勝於山立壑灰何報於生成謹啓

謝集賢相公啓

前人

某啓某今日伏奉恩旨宣召充職翰林者出鈞鎔之巨力收居  
楮之小材拔自塵泥驟陞霄漢撫已實知其忝越御恩載切於  
昇管某洛下諸生朝中孤官進取本無其聲援歸休又迫羈離  
既碌碌以經時亦俛而度日伏蒙相公十九兄殊常降德不次  
施恩生暖甲於枯荻化豐肌於朽骨出諸陷穽置在門闥絳鶯  
羽於寒鷓教文騫翥蒙虎皮於下駟抑以騰驤但自門心何皆  
報德况專詔誥教令之事爲言語侍從之臣內顧孱微益深榮  
懼唯冀求賞肝膈長託鑪錘但當有命以酬固亦無言可謝謹  
啓

謝奉常僕射啓二首

前人

某啓某今日伏奉聖旨令充職翰林者厖鴻恩重螻蟻命微循  
涯增感激之誠揣已積叨踰之懼伏以某名慙鉅下人異隆中

無賦雪之詞華乏諭天之才辨頃歲纔蒙進取便獲攀投及門  
人指某登龍託質時推其附鳳因得交朋改觀行止增光遂忝  
決科俄榮筮仕始優游於課省旋履歷於霜臺卽署一棲星霜  
六變而偶茲多難方困迷津永無振奮之期益勵退藏之志僕  
射憫其孤拙哀以樓遲忽垂大恩顧及哀緒孜孜保證矻矻維  
持意使凡材遽塵劇職叅玉堂之侍從掌金殿之書詞榮非始  
圖事過初望唯誓永將死節上報生成倍激摩指冀申萬一

二

某啓某伏奉勅命授尚書駕部卽中知事誥依前充職者某藝  
能無取材格俱凡任孤僻以趨時守顛愚而樂道敢於榮顯竊  
冀遭逢伏蒙僕射不次垂恩踰涯降德彫朽曲施其敏手磨鉛  
俾耀其銛鋒因得擺脫塵泥昇騰霄漢專玉堂之詔誥追金馬

之遊從尋

一作實

過津涯每慙硯肩孰謂纔踰累月又陟華資南

宮執換其司西掖名參於演縛生成益被灰粉何酬感深空集  
其涕洟恩重但期於頌越 云云

謝尚書丞即給舍啓

前人

某啓某忽蒙宸獎擢處內廷循省荒蕪倍懷兢懼某才殊二妙  
舉媿三英趨時既乏於梯媒退跡倍悲於萍梗某官常回恩獎  
曲賜吹揚遂使虛彝成茲忝越列侍從於金門之下掌書詞於  
禁苑之中榮非始圖事過初望 云云

謝史館裴相公啓

羅衮

某啓伏以洪鈞物播已在生成朗鑑通幽寧期照燭伏以相公  
三十五文熙朝德茂軌世才高發言爲褒貶之經迴顧是寒暄  
之律自叨洪獎愈切寵敬近又見戶部王侍郎伏知造化工夫

不遺纖草丹青潤色偏及偶人輝華而賤質增榮感激而雄眸  
有淚實以寒家殊并晁業繼詩書卷懷於盛壯之時浮泛於衆  
遲之日詞科入仕尋周一紀之星諫署非朝亦改四年之火雖  
毛慙腹背角困藩籬何嘗不砥礪公方琢磨文術意以長沙地  
窄難呈宛轉之姿南郡鬼逢每受耶榆之耻俄消剝道頭自明  
思霖施而窮澤生流瑞降而枯條更肄得不來風奮力擗朽申  
勞依曾相之門檣衣隨車堅仰殷宗之左右長奉鼎梅卑情無  
任日夕兢惶生死銜載之至

謝監修相公啓二首

前人

某啓某鄉品慙卑朝班愧近久託運籌之化元無載筆之能今  
伏奉恩制伏蒙相公特賜奏授前件官克職者寵靈重疊敢幸  
於時來塵忝過多但驚於望外下情無任載恩感激量伎兢惶

之至伏以相公道壯龍圖情轉鳳策兩掖之內以謫辭為先三  
館之中以信史為急必詮名實乃授情國華以時屬叔文事當  
修舉列聖之青編再輯盛朝之鴻藻將輔是宜對季禮以歌唐  
求孟堅而述漢然後可以昭彰一代烏奕一作赫千齡如棄之才  
非此之任誠欲奉國而退瀝懇以辭無傷絅撲之風自適輪轅  
之用窮念早依門闥作侍台階聞善誘而遠已捧承沾謬思而  
莫遑辭讓主文譎諫顧出訥以何裨廣記備言審寃蕪而豈措  
徒思竭力寧追醜顏唯當稟奉公忠執持愚直分職於中山之  
下庶展其能受經於尼父之前冀成其傳効酬之忠灰沒為期  
卑情無任銜荷惕勵懼憂怔營之至

二

某啓幸二弱才託於弘造遂捨寒鄉之士爰外近置之班與道

朝似無邪行而隨波上下安有直詞是以久列編修常孤事任  
一家之言莫就空慕馬遷三國之志未聞實慙陳壽深宜免罷  
稍獲違寧不謂相公尚貸簡書且敦方剛才綬改官之寵仍還  
帖職之榮卞簪筆於宸軒復和鈔細閣中書肆入寧同著作之  
卽相府依棲乃類司徒之掾分誠已過恩亦太隆既辭讓以難  
但憂兢而罔寘穀梁清婉休校力於短長王隱混淆預其於譏  
諂營職為務投生以酬下情無任感激省循光忝愧懼之至

謝宰相啓

某啓伏以君有熊左右之司每聞沮誦著周穆存亡之誠但記  
戎夫規勳止於九天法春秋於百代某雖愚懵知此重難况復  
皇朝廢置之初便搜才實近日選求之慎必在

莫華峻等級於螭階感風流於鳳闕某則寒陲分無希



望伏以相公協兆為師奮庸熙載將行大道上繼於宣尼誘進  
單門下同於王儉不以某諫垣空食史閣曠官特興又次之嗟  
俾授殊遷之命暄臨泰谷方知律呂之聲調境入葦山孰謂風  
駭之道阻徒成踴躍莫獲逡巡副燕臺尊隗之心奉孔里鑄顏  
之化巍 聖德雖期有舉必書赫 台光定是無階上報榮惟  
感激不任下情

謝諸知己啓三首

前人

某啓伏奉恩制除授前件官者事匪心期思將歆疑至榮懼憂  
揚不任下情伏以某用之適時言非悟言雖困泥塗之辱敢希  
朝序之榮伏蒙某官念以語道依棲期文宗仰懇動吹噓之力  
終諧憐獎之心遂使縣吏塵御擺脫忽同於蟬蛻諫臣清級超  
昇遽逐使縣吏於鳶翔叨 忝可多提携至此竊復念孤單事

契愚魯性靈苟非示以條塗案得縻茲好爵敵可替否謀無補  
於皇明狗義志身庶粗酬於恩得卑情無人感載激切至之

二

某啓某操行無奇文章匪膽拾遺左右三年未望於轉遷約史  
春秋五夜寧通於夢想斯亦孤單雅分頑魯自宜忽踐履於清  
華諒因依於賢達伏以某官優容下位獎進微才苟居之日月  
在躬王氏之風塵外物輒忘孤墮榮遂品題

一作苟君之日月  
在躬道存瞻囑正

氏之風塵外物榮  
遂品題

故得譽徵中台名闕東觀遠遙彌縫之地仍

叅著作之廷祇奉寵官若臨泉谷闔靜循叨窮實自門牆敢不  
求抱兢銘深虞負累以當官而贖

疑作

忝用舉職以酬知求女

燭鍊石之方潛裨碧落就大史藏山之事

一作

試學青編尚覲  
宗事更傳規矩下情無任攀戴覲汗之至

某啓伏以記事之官顯司存於戴禮侍臣之職正號位於隨期  
自古不輕方今爲尤重一作重豈期幽介遽獲忝塵此乃某官道著  
許莫情敦片善偃彼小人之草列諸君子之林遂令補袞掖垣  
仍叨筆削珥貂仙室更踐清華得上報鴻恩旁酬重德日月  
簡編之効敢怠於季一作終雪霜松柏之心佇彰於歲奮不任下  
情

文苑英華卷第六百五十四

登仕郎胡

柯

卿貢進士彭

入叔夏校正

文苑英華卷第六百五十四

謝辭署

爲同州張評事謝辭并聘錢啓二首

爲山南薛從事謝辭啓一首

爲東川催從事謝辭并聘錢二首

爲河東公謝相公國京兆令啓二首

爲柳珪謝京兆公啓三首

獻河東公啓二首

上尚書范陽公啓三首

爲白從事上陳許李書啓一首

爲桂州盧副使聘啓一首

劔門寄上路相公啓一首

代青州掌記謝本府辟啓一首

為同州張評事謝辟并聘錢啓二首

李商隱

潛啓伏奉榮示伏蒙猥賜奏署今月某日勅旨授官承命恐惶

一作

不知所措其文乖綺繡學之縑緗負米東郊上勤色養獻

書北闕未奉明恩撫京洛之塵素衣穿穴訪江湖之路白髮徊

徘大夫榮自山陽來臨沙苑固以室盈東箭門咽南金豈謂搜

揚乃加羸取府稱蓮沼慙無倚馬之能地號雲門竊有化龍之

勢便居惟幄處別蓬蒿表生有望於樵蘇楚子永辭於藍

集作

縷列諸肌骨知所依歸伏惟持賜鑒察謹啓

文獻卷之百五十四

二

百五十四

潛啓錢若干伏蒙仁恩賜備行李重非半兩輕異五銖子毋相

權飢寒頓解細看銅郭徐億牙籌雖云

集作

神有魯褒便恐癖

如和嶠辦煖無闕通刺有期感戴之誠不所喻謹啓

為山南薛從事謝辟啓

傑遜啓今月某日伏蒙辟奏節度掌書記勅下徒有長裾曾無

絲筆初疑誤聽久乃知歸感激慙惶不知序喻某受天和氣而

鮮椎材幸承舊族之華遂竊名場之價頃者湮淪孤賤綿隔音

塵其後後從事梓潼經塗天漢初筵未席彼霧都天自爾以來

懷恩莫極鄭玄之腰腹若掛丹青崔琰之鬢眉常存夢寐方思

捧持杖履廁列生徒豈望使上生舟處塵蓮府書士林主臬翰

苑龜龍方殿大藩將求記室是才子懸心之地詞人効命之秋

豈伊踈蕪堪此選擢思曾顏之供養念陳阮之才華自公及私

終榮且忝伏以家室憂繫初解山川跋涉未任須至季秋方離

上國無躬泣下尚遙郭隗之門閉目憂蓬已入孔融之座下情無任攀戀銘鏤之至

為東川崔從事謝辟并聘錢啓二首 前人

福啓伏奉公牒伏蒙辟署觀察巡官某早辱梯媒獲沾科第吳公之薦賈誼未塞前叨竇融之舉班彪仍當後忝仰觀蓮幕俯度桂科仰翼不自於他門頂踵實非具已物但賫灰粉遠逐旌幢雖有命以酬實無言可謝伏惟俯鑒亮

二

福啓錢若干伏蒙賜備行李竊以白馬從軍青亮受聘磨文難滅校貫知多陸賈方驗於火花郭况莫矜於金穴感戴之至不任下情謹啓

為河東公謝相國京兆八啓二首 前人

某啓今月某日得當道萬安駟狀報伏承遣兵馬使陳即賫弊帛鞍馬啓召小男者未敢尋盟遽茲聞喜遐瞻闔閭恨乏羽毛伏以自有搢紳誰無交結朋交不全素諾在古殊多父子同受深知當今罕集作見期令德圖於所難男珪曾未成人纔沿弟辦仲謀救麥雖則有餘况安石之芝蘭竊不可忽依大便廝英僚東吳之哈恐自此始西園之讌未知之何此皆相公以某謬接藩維衣繩墨克降由秉之信恃酬事大之心不然則安得按集作重子於舞雲禮諸生於白社身枝獲慶城府知歸感激思光丁寧教誡永言銘鏤尚昧端倪伏俟簡書來至弊邑則專請張覲評事奉啓狀申陳慕義無窮措辭莫盡攀附惶戰集作不能究陳謹啓

謝相國京兆八啓二首 前人

某啓伏奉榮示伏蒙辟署某弟二字前鄉貢進士珪充攝劔南  
西州安撫巡官并賜公牒舉者某去月得揚侍御書題微傳風  
旨初如吉夢終謂戲談非不尋思莫得端緒今乃竟詢仲徹果  
降嘉招伸紳紘發緘悸寃流汗何者某頃居班列已奉陶甄口  
裏此佳黃屨加雕煥育中雲夢過沐丞濡欻之以順風變之以愛  
日茲辰議報不在他門一昨叨裂土田謬公旗蓋適當東道獲  
事西隣豈望在言前榮流意外坤維接畛何酬上相之知吹卦  
成占遂報中男之喜且渠譽珪却桂名媿蘭未學周召南纔得  
一科一弟縱解問綰不能負心何以與先生並從大夫之後仰  
塵惟慙佇雜簪纓况襟帶禹同咽喉巴漢求於安撫必也機謀  
深慮異時莫副虛佇然竊尋史傳所載語父子之間石苞獨石  
崇而山濤不知山簡亦豈集作其尋陋處遺退藏但當授以一

經訓之大枝庶將寡過以謝明恩染翰銜情封牋寫抱小人多  
事并台席以猶賒童子何如上賓階而在即瞻望閻死生以之  
伏惟深賜鑒信謹啓

爲柳珪謝京兆公啓三首

前人

某啓散兵馬使陳卽至伏奉榮示兼奉公牒伏蒙召署攝成都  
府叅充安撫巡官者師襄鼓缶或近翫人和氏搜珉能無驚物  
跪受高命莫知所裁某藏豹不堅雕龍未巧徒承庭訓遂斯人  
曹比衛家之一兒天懸鵬鷄望鄴中之七子風逸馬牛已忝決  
科敢思筮仕伏惟相公以仁義禮智信爲基構用溫良恭儉讓  
爲藩籬克時則業貫夔翫殷代則道符尹說入秉文教出曜兵  
權揮神鋒而劔合陰陽述雅誥而筆開造化况天有井絡地稱  
坤維控三巴百漢之推帶南召西山之險人稱與府帝謂殊蕃

固已一作廣集豪英用資忝佐玳簪珠履綠水紅蓮成籍於

淮山致燿可於燕路若某者徒將慕蘭何足望回又安敢集作

拂某塵埃加以冠履伏因相公直以大人頃居班列獲奉恩私

羅照乘於驪淵覲歸昌施鳳穴未見其可處之不疑曾不念本

朽石頑雕鑄莫就榆瞋豆重性分難擬古所有以榮為憂受恩

嫡斯言之作珪也有馬今月六日辰時輒奉辭書具問晨首仰

承嚴旨便定行斯而又內奮弟兄外誘交交傳翼類虎生角如

麟事誠寔於頭榮勢莫知其報効尚須旬日方拜旌旄唯當洗

心為齋延頸以望持千尋之本想像瓌姿用方頃澄波比量曠

度戴恩揣已授集作命仁神之聰之百生如一謹啓

某啓伏蒙榮示賜及前件衣服及束緡等謹辰處分捧授訖伏

以大人自處通班彌儉德田園唯恐蕪沒子弟不免飢寒去春

成名首秋歸覲雖才非張載未刊劔閣之銘而志慕胡威敢荆

州之縮豈謂集作相公復以簡書召署筐篚加思古者贖百里

奚纒持五殺誚程不職猶惜一錢况其碌無奇容自守敢

邀厚幣來自淮藩品目難名珍織可玩仰李膺之德尚未登門

讀戴聖之書集作已經驚潤至下情無任戴荷悚懼之至謹啓

三

某啓伏奉榮示令將箭件馬及行官延接者集將仕大藩苦無

遠道特蒙恩禮曲賜憂崇扶以武夫濟之良馬經過燕館將耀

於鳴騶夢寐梁固只思於飛鞚感佩之至不任下情謹啓

獻河東公啓二首

前

商隱啓伏奉手筆環賜奏署某少而孱懦集作長則艱屯有志

榮

為文無資就學雖雜賦八首或庶於馬遷而讀書車遠慙於蕙  
子契闊湖嶺淒涼路岐罕遇心知多逢皮相昔魯人以仲尼為  
倭淮陰以長韓信為法聖哲且猶如此尋常安能克矣集作  
以長皆行求心自處羅含蘭菊仲蔚蓬蒿見芳草則怨王孫之  
不歸集作無高松則歎大夫之虛位不可終否屬於高明伏惟  
尚書春日同和秋霜共列叔子則九代清德稚春則七葉尚書  
素儒君子立言永為周禮止人得位長作歲星今者初涉將壇  
始敷賓席射江澳集作壤潼水名都谷擅繁華地多財倚指巴  
西則民皆譙秀訪臨叩則客有相如舉纖繳以下具鴻執定鏡  
而求西子唯所指命硬為丹青善其者又安可炫露短材叨塵  
記室監車疑段徒逢伯樂而鳴土鼓送疎恣致文侯之臥承命  
知悉持懷自敬終無渝蜀之能集作但誓依功之頂未回謁謝

下情無任感激攀戀之至謹啓

二

某啓伏蒙示及賜錢三十五萬以備行李謹依榮示捧領訖伏  
以古永良材必有禮幣一束曷皆堪貺美五穀安未曰輕齎况  
某跡忝諸生名非前哲尚遙玉帳已資金錢訪蜀邵之卜人懸  
之莫竭遇河間之姪女數且難窮末草檄以愈風不執鞭而獲  
富敢將潤屋且以騰裝戴荷之誠寄諭無地

上尚書范陽公啓三首

前人

某啓仰蒙仁思俯賜手筆將靈右席以召下材承命恐惶不知  
所指某幸承舊族早預儒林僕下詞人夙蒙推與洛揚才子盪  
被交遊而時亨命七道泰身否成名踰於一紀旅官過於十年  
恩舊周零路岐棲槍薦彌衡之表空出人間嘲揚子之書僅盈

天下去年遠從桂海來返王京無人通半頃之田乏元亮數間  
之屋隘傭鳩舍危託鷺巢春晚旬壤則蕙簡絕逕秋庭欲掃則  
霜露沾衣勉調天官獲昇旬壤歸推却掃出則卑趨仰燕路以  
長壤望深園而結憲尚書道光士範德官民宗愷悖之花既流  
鎮靖之功方懋竊思上國投技集作刺東都及門唯交抵掌之談  
遂辱知心之契截惟浮泛頻集作頻涉光陰豈期咫尺之書終訪  
蓬蒿之宅感裁增氣懷仁識歸使當焚遊趙之登殿入秦之禱  
束書投筆仰副嘉招謁謝未聞下情無任感志之至謹啓

二

某啓某猥以謏聞仰承嘉命處囊引諭未施下客之能在  
握稱珍遂忝上卿之列循揣斯久兢皇不任况尚書舉摠百  
家術窮三路文鋒筆力扶揚馬之懸門劍氣弓聲割鞞彭之

指人之岐路尚感客星披霧非遙拜塵在即無任

代青州掌記謝本府辟啓

顧雲

某啓今日日衛前虞侯某乙賫到問牒伏蒙召署節度掌書記  
室司存雄藩重務吳中草檄始召陳琳鄴下裁牋方徵阮瑀咸  
持彩筆以掌軍書况地控全齊封連巨浸有外夷之琛畫多土  
貢之賦興假道旣繁飛章亦衆永言斯任宜委高才且某徒効  
聚螢未嘗吐鳳讀傳而雖云成癖為文而未見愈風忽辱簡書  
遷蒙辟召捧函增懼撫已知歸遐想膺門已積糜軀之志仰瞻  
龍節空懷拜賜之誠

文苑英華卷第六百五十四

登仕郎胡 柯 鄉貢進士彭 叔夏 校正



文苑英華卷第六百五十四  
謝明皇帝賜絲巾等啓一首

謝趙王賚乾魚啓一首

謝滕王賚猪啓一首

謝所知賚賢墨啓一首

謝賜錢啓一首

文苑英華卷第六百五十五

啓五

謝錫賚

謝趙王賚絲布等啓一首  
謝趙王布啓布啓二首

謝趙王賚絲羅袍袴啓一首  
謝趙王賚巾啓一首

謝趙王賚犀帶啓一首  
謝明皇帝賜絲巾等啓一首

謝趙王賚米啓一首  
謝趙王賚乾魚啓一首

謝滕王賚馬啓一首  
謝滕王賚猪啓一首

謝滕王賚馬并織啓一首  
謝所知賚賢墨啓一首

謝衣段啓一首  
謝賜錢啓一首

雜謝

謝李相公示手札啓一首  
謝李中承安存崔簡家屬啓一首

謝門下武相公啓一首  
謝中書張相公啓一首

謝僕射李相公啓一首

謝裴相公啓一首

謝竇相公啓一首

謝宰相啓一首

謝草詞啓一首

謝江陵借宅啓一首

謝江陵津致赴闕啓一首

謝賜賚

謝趙王賚絲布等啓

庾信

某啓鄭叔至蒙賜絲布綾等十段王褒至又蒙許賜錢等望外之恩實符大賚非常之錫乃溢生涯曳練且觀無勞白馬之望流泉歆委汙見青鳧之飛揚池搖荷李園移樹既欣各利彌思青木一作林陳畱下粟有媿深息操陽兩金費翻慚曲施靈臺又客從此數炊黍谷長寒於今更賤從雲費之田踰此樂得豐城之劍未均斯喜謹啓

謝趙王賚絲布啓二首

前人

某啓奉教垂賚雜色絲布三十段去冬凝閉今春嚴勁霰似瓊田凌如鹽浦張超之壁未足鄣風表安之門無人開雪覆鳥毛而不暖燃獸炭而逾寒表降聖茲曲垂矜賑諭其蠢月殆罄桑車津實一作費秉杼幾空織室遂令新市數錢忽凝敗綵平陵月夜驚聞擗衣妾遇新纈自然心伏妻聞裂帛方當含笑疋周平轍實有固魚信陵鞭前元非窮鳥仰蒙經濟伏荷深茲謹啓

二

某啓某息為娘昨蒙恩引曲賜絲布等五段南冠獲宥既預禮筵稚子勝衣還蒙拜謁闕尹津梁之織鄴施雙絲扶風彩文之機仙園獨璽青衿宜襲書生無慶學之詩春服既成童子得雩沂之舞况復栖鳥挾子同知桂樹之恩澤雉將雛其喜行春之

令根株一潤技葉俱榮謹啓

謝趙王賚白一作皂

羅襪袴啓

前人

某啓垂賚白羅襪袴一作羅襪一俱程據上表空論雉頭王恭入雲虛稱  
鶴望未有懸機巧宗一作變躡竒文鳳不去而恒飛花雖寒而  
不落投千金之暫賤棄百結之長寒末無黃葛之嗟方見青綾  
之重對天山之積雲尚得開衿胃廣一作履之長風猶當揮汗白  
龜報主終日無期黃雀謝恩意知何日 一作皆藝文數聚

謝滕王賚巾啓

前人

某啓奉教垂賜鹿子巾一枚解角新胎戴藤初朶落星交映連  
珠踈點盤龍之刀既剪長命之縷仍縫翠羽懸惟笑蓉高讓遊  
期隱士足笑鼓入彼春林方誇筍籜某蓬鬢髮疑颺衰容者朽  
三秋不沐實荷今思十年一冠彌欣此賚謹啓

謝明皇帝賜絲布等啓

前人

臣某啓奉勅垂賜雜色絲布綿絹等三十段銀錢二文某此年  
以來殊有闕之白社之內拂草看氷露臺之中吹塵視醜對妻  
恨妾既嗟且憎瘠子羸孫虛恭實怨主人忽降大賚光臨天帝  
賜年無踰此樂仙童贈藥未均斯善張袖而舞撫節而歌行雲  
幾斷所謂舟楫無岸海若為之支風齊來將拈山灵為之出雨  
况復令抽索重雪坂疑傾併落青鳧銀山或動是知青牛道士  
更延將盡之命白塵真人能生已枯之骨雖復援山趨海負德  
未勝垂露懸針書思不盡蓬萊謝恩之雀白玉四環漢水報德  
之蛇明珠一寸某之觀此寧無愧心直以物受其生於天卜謝  
謹啓

謝趙王賚犀帶等啓

前人

某啓奉教垂賚犀裝帝錢十貫魏君寧帶持賜劉值趙王國租  
備資裴措貫藏文馬如燒安息之銀帝挿通犀似獵雲南之獸  
北郭騁之長貧是所其愜南宮教之載寶珠非念望花開四照  
隄見榮鼇戴三山深知其重昔沈義將畫逢司命而還生三國老

三國老注童子謂杜畿司使我  
召子幾固請童子為永代者沈義未詳

士

燮行埋一作值仙人而更活今日慈矜斯之謂矣馬前驅而道  
路或似識思鷄未曉而開閨容能報主謹啓

謝趙王賚米啓

前人見藝文  
類聚

某啓奉教垂賚米十石丹烏御稷既集西周黃雀隨事遷飛東  
市漬而為種不無霜雪之積取以論兵郎有山川之勢某陋卷  
簞瓢擲風沐雨剝榆皮於秋塞極鷲鵲於寒山仰費國租遂問  
塵醜非丹竈而流珠異荆臺而炊一作王東方胡之捧米既息

長飢西門豹之墾田方暫比賚

謝趙王賚乾魚啓

前人

某啓蒙賚乾魚十番醴水朝浮光疑朱鼈文鮪夜觸翼似青鸞  
况洞庭鮒温湖美鯽波瀾成雨鱗甲防寒某本吳腹人常想江  
湖之味及其飢也唯資藜藿之餘慈賚渥恩膏腹流溢不勞私  
子之亭郎勝雷池之長翻驚河伯獨不受人足笑任公終年垂  
釣謹啓

謝滕王賚馬啓

前人藝文聚

某啓奉教垂賚鳥騮馬一定柳谷未開翻逢紫鸞臨源猶遠忽  
見桃花流電爭光浮雲連影張敞畫負之駸直走章臺王齊飲  
酒之懽長驅金埒謹啓

謝滕王賚猪啓

某啓奉教垂賚肥豕一腔白腹見珍度遼東之水赤欄爲重對襄陽之城忽降金恩謹充炮烙孫弘投於淄水唯以求錢卜式養於上林豈知其味謹啓

謝趙王賚馬并繖啓

前人

某啓奉教垂賚紫駟馬并銀釘乘且紫駟繖一張上天降雨特垂深澤若木流光偏蒙私照迴茲翠盖事重劉基之恩降此青驪策深李忠之賜北部丹帷便須高捲西河竹馬即已郊迎在命之輕鴻毛浮於弱水知思之重龜一作皆負於靈山况復驚鳴別水但見徊徘徊黃鶴去閑唯知反顧悽戀之心事同於此

謝所知賚集賢墨啓

溫庭筠

某啓即日門幹至奉投策云垂賚集賢墨一庭竹山竒製上蔡輕煙色掩緇帷香含漆簡推復三臺故物貴重相傳五兩新膠伏惟令公豁世量弘濟人心侈組駢絡委役貨泉七百里以趨程茲辰頓贍二十萬之爲贈今代所稀得不泣類鮫人慙同劔客歸赤墀而有賴顧玄幙以難忘突劔觸鋒始緝効酬之分抽毫命牘終餘感慨之誠竟之雄詞徒揚懦氣銘哲激切不任下情伏推俯賜鑒察

文苑英華卷第六百五十五

登仕郎胡柯

鄉貢進士彭叔夏

校正

文苑英華卷第六百五十五  
登封縣志序  
謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

文苑英華卷第六百五十六  
啓六

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝文序并和詩  
謝滕王集序啓一首  
謝趙王示新詩啓一首

謝滕王集序啓

庾信

某啓覽制垂賜集序紫微懸映如傳闕里之書青鳥遙飛似送  
 層城之壁若夫其泉宮裏玉樹一叢玄武闕前明珠六寸不得  
 譬此光芒方斯照燭有節有度即是能平八風愈唱愈高始欲  
 去天三尺殿下稚才蓋代逸氣橫雲濟北顏淵關西孔子譬毫  
 翰則風雨爭飛論其文采則魚龍百變蒲桃繞館新開碣石之  
 宮修竹夾池始作睢陽之苑琉璃汎酒鸚鵡承杯鳳穴歌聲鸞  
 林無曲况復行雲逐雨迴雪隨風湖陽之尉既成爲喜之因春  
 陵之侯便是消憂之地某本乏材用無多述作加以建鄴陽九  
 芳免儒劓江陵百六幾從土一作隴至如殘編落簡並入埃塵  
 赤軸青箱多從灰燼比年病恙彌留光陰視息桑榆已逼蒲柳  
 才衰不無秋氣之悲實有途窮之恨是以精宋替亂頗同宋玉

言辭蹇吃更甚揚稚一吟一詠其可知矣好事者不來知音者  
 不用非有班超之志遂已棄筆未見陸機之文父同燒硯至於  
 凋零之後殘缺所餘又已雜用補袍隨時覆醬聖慈憐愍遂垂  
 存錄始知逾揚過差君子失辭比擬從橫小人迷惑荆玉抵鵲  
 正恐輕用重寶龍淵削玉豈不徒勞神慮匠石迴顧朽材交於  
 彫梁縣孫陽一言奔蹄成於駿馬故知假人延於重譽連城借  
 人羽毛榮於尺玉沮池九萬里無踰此澤華山五千仞終愧斯  
 息之重即日金門細管未動春灰石壁輕雷尚藏冬蟄伏願聖  
 躬與時納預南陽實寶雉幸足觀瞻酈縣菊泉差能延壽伏逢  
 至鄴可期從梁有日同杞子之盟會必欲瞻仰風陳共薛侯而  
 來朝謹當逢迎冠蓋魚腸尺素鳳足數行書此謝辭終知盡謹  
 啓

謝趙王示新詩啓

前人

某啓鄭賢至奉手教累紙并示新詩八體六文足驚毫翰四始  
六義實動性靈落落詞高飄飄意遠文異水而湧泉筆非秋而  
垂露藏之山崑可使雲霧鬱起濟之江浦必當蛟龍繞舡首夏  
清和聖躬怡裕琉璃彫管鵲顧鸞迴婉轉綠沉猿驚鴈落下風  
傾首以日爲年捷爲舍人實有誠願碧鷄主簿無由遂心寂寞  
荆扉踈無蘭逕驟駕來梁未期卜日遣騎到鄴希垂枉道

上高長史述和詩啓

李嶠

某啓近於錄爭叅軍杜延昌處伏見公秋日遙想洛城十韻之  
依曲中之妙傳乎郢客之聲天下之珍得自隨侯之掌鳳鳴六  
呂龍文九光駭屬竒觀相移動色若乃政理餘隋翱翔多暇陪  
八水之高秋企三河之上國衣冠濟濟人青瑣而步用墀車馬

誼誼下銅衢而赴金谷人物仙舟之會風塵俠窟之遊莫不屬  
想心目託情謠詠九迴靈府遙馳雨露之郊千里神畿近接風  
雲之思雕文將錦繡同美惠風雨芝蘭等馥用過秦肆懸輕呂  
氏之金持入周京即貴洛陽之紙足使兩都賓主羞談翰墨二  
陸兄弟恥論詞賦死者可作賈生爲入室之徒來者難潘子得  
扶輪之地某學異通敏才非沉鬱刀筆爲吏趨馳之歲月已多  
黼藻成文雅頌之風流尚缺平原從者終慙入楚之遊闕里門  
人空積後陳之歎徒以夙承光彩早迨提拂曾將薄伎見知思  
以庸音自効輒忘固陋敢有和歌登下肆而論寶入夔門而撫  
節擬託非倫揣磨增覲謹啓

謝皇太子玉華山宮銘賦啓

許敬宗

臣敬宗行成季輔等啓昨曉內坊丞玉君德奉宣令賚臣等玉



華山宮銘賦二本拜承恩脫駭駭交懷跪翫清辭星河溢目伏  
惟殿下天資學府道貫生知絢發詞林若春華之麗韶景漪清  
碧海譬秋水之澹晨霞仙鶴和吟慙八音於雅韻神龍縹彩謝  
五色於彫文綺布天庭雲生石砌理含貞邃雅達谷處之端趣  
極幽閑妙盡崑居之體煙松合翠露桂公紅蜜彼殊形翻然其  
色究寫貞之奧肯擅體物之窮神若乃漢月鈎空乍臨珠箔石  
苔垂髮或映莊惟莫不理超詞表意生文外自餘清拔觸類奇  
新成若神化之工光乎惟道之製蓋由基天挺裕纂聖歎離故  
能邁古超前納卿雲於度內逾傳絕侶括啓誦於胷中臣等忝  
荷殊私曲蒙垂示見所未見情百恒情無任亮藻之懷謹上啓  
陳謝謹啓

上從舅侍御啓

王敦

某啓一昨弟郎至奉命以憲臺詩十首垂示氣橫霜暑洞雲局  
綉衣薰藻肆之華白簡控玄樞之奧仙驄在馭踐文路而驅神  
獬冠臨下望詞林而直指某質惟茅艾名隔搢紳虛寔自出之  
榮每愧諸錫之列恩華曲被誨誘傍臨識謝知音榮深覩奧虞  
詔忽奏聽律呂而忘疲楚厘遙開仰光芒而不暇昔孔融之逢  
元禮罕覩高文王粲之謁伯喈終慙懿威援今企古議德疇息  
荷慄薰儲悲欣雨集但才非酷似攀宅相而多慙慕切如存臨  
渭陽而增感不勝荷戴屏榮之至

和閨情詩啓

駱賓王

賓王啓學士表慶隆奉宣教旨垂示閨情詩并序跪發珠韶伏  
膺玉禮類西秦之鏡照澈心靈同南指之車遵引集發迷誤竊  
惟詩之興作兆基遂古唐歌虞詠始載典謨商頌周雅方陳金

石其後言志緣情二京斯盛含毫瀝思魏晉彌繁布在繡簡差  
可商略李觀尉鴛鴦之辭纏綿巧妙班婕妤霜雪之句發越清  
回平子桂理在文外伯喈翠鳥意盡行間河朔詞人王劉為稱  
首洛陽才子潘左為先覺若乃子建之牢籠群彥士衡之籍甚  
一集作時並文苑之羽儀詩人之龜鏡要逮江左謠詠集作不  
輟非有神骨仙才集作專事玄風道意顏謝特挺戢罰典麗莫  
作類謝鬱自茲已降聲律稍精其間洽改莫能正本天縱明春  
卓爾不群聽新聲鄙師消之作聞古樂笑文侯之睡以封魯之  
才追自衛之迹弘茲雅奏抑彼淫哇澄五際之原救四始之弊  
固可以用之邦國厚此人倫俯屈高調聊同下俚集然思入  
態巧文隨手變雅調慙其曼聲延年愧其新曲走以不敏謬蒙  
汲謹拙詞奉和輕以上呈未近詠諷伏深羞悚集作謹啓

謝河東公和詩啓

李商隱

商隱啓某前因暇日出次西溪既惜斜陽聊裁短十蓋以徘徊  
勝境顧慕桂辰為芳草以慈王孫借美人以喻君子思將玳瑁  
為返少裝書願把珊瑚與徐陵駕一作筆斐然而作曾無足觀  
不知誰何仰達尊重果煩燭和彌復驚集作惶某曾讀隨書見  
揚越公地處親賢才兼文武每舒錦繡必播管絃當時與之握  
手言情披襟得侶者惟薛道衡一人而已及觀其唱和乃數百  
篇力鈞聲同得隣義此彼若陳葛天氏之舞此必引摻天子之  
歌彼若言大華三峯此必曰潯陽九派神功古迹皆應物無疲  
地理人名亦爭承不屈後未酬唱罕繼聲塵嘗以斯風望於哲  
匠豈知今日屬在所天生席行衣分為七覆煙花魚鳥置作五  
衡集作詎能狎晉之明實見取節之易不以舉敢惠莫大焉恐

懼欣榮投錯無地來日專冀謁謝伏惟鑒察謹啓

獻侍郎鉅鹿公啓

某啓今月某日舍第新及第進士義叟處伏見侍郎所制春闈於勝後寄呈在朝同年兼簡新及第諸先輩五言四韻詩首夫玄黃倫絲集作者繡之用清越為樂者王之竒固以慮合玄機運清俗累陟降於四始之際優游於六義之中竊計前時承榮內署栢臺侍宴熊管從畋式以風騷仰陪天籍動沛中之舊老駭汾水之佳人非首義於論思實終篇於潤色光傳樂錄道煥詩家况屬詞之工言志為最自曾毛北軼蘇李揚聲代有遺音時無絕響雖古今異制而律呂同歸我朝已來此道尤盛皆陷於偏巧罕或兼材枕石漱流則尚於枯槁寂寥之句攀鱗附翼則先於驕奢豔佚之篇推李杜則怨刺居多效沈宋則綺靡為

甚至於秉無私之刀尺力莫測之門墻自非託於降神安可定夫衆製伏惟閣下皆其餘力廓此大中足使同僚盡懷博我不知學者推可起予某比興非工穎蒙有素然早聞長者之論夙託詞人之未淹翔下位欣託知音拈賀集作之誠翰墨無寄况

乎仲氏實預諸生榮霑洙泗之風高列握商之位仰惟厚德願沐餘輝輒罄鄙詞上攀清昌聞郢中之白雪魏列牛人比齊日黃門慙非八米集作斗集作非干冒尊重伏用兢惶其詩五言四首謹如

右集作

上文章啓上

上薛令文章啓

陳子昂

某啓一貽恭承頭命垂素掘文抵奉息榮菟若厲幸甚幸甚某聞洪鍾在聽不足論擊缶之音大宇斯烹安可薦羹藜之味然

則文章薄枝固棄於高賢刀筆小能不容於先達豈非大人君子以為道德之薄哉某猥以二字即鄙能未窺作者斐然狂簡雖有勞人之歌悵爾詠懷曾無阮籍之思徒恨跡荒淫麗名陷能優長為重子之群無望壯夫之列豈圖曲蒙榮獎躬奉德音以小人之淺才承令君之嘉惠豈不幸甚豈不幸甚伏惟君侯星雲集作挺秀金玉集作間成衣冠禮樂乾儀朝野致明君於堯舜皇極允諧當重寄於周集作衡中階叶泰非夫聰明博達體變知機如其仁如其仁方當拔俊賞奇使拾遺補闕坐開黃閣高視赤松然後與稷契夔龍比功論德豈徒蕭曹魏邴屑屑區區而已哉其實細人過蒙大集作遇顧循微薄何敢祇承謹當畢力謁誠策駑磨鈍期効忠以報德奉知己以周旋文章小能何足觀者不任感荷之至

上息光曲歌詞啓

許敬宗

某啓少傳玄令奉宣令旨垂使撰息光曲詞六言四章章八韻謹率愚管宣述春懷自惟淺陋深懼不允一作懼竊樂府雅歌多皆不用六字近代有三臺傾盃樂等艷曲之列始用六言今故雜以方字稍欲存於古體起草適畢未敢為定蒙假不獲面啓對封藁本上呈可不之宜伏聽後命謹啓

上武侍極啓二首

王勃

某啓某聞玄瑤掩輝光銷一作輔赤堇之芒白鶴摧輝影滅青明之寶由是紫氛霄耿指牛漢而忘歸丹水神迷道一作躡驪泉而罔悔其有龍文已遠輕圖剗見之功魚目濫持自擬靈蛇之色循榮覽分朝開夕可君侯締華椒閣席寵芝局粲貂冕於金軒藻龜章於署月開鸞鏡懷精鑑以分刑霜湛虬鍾蘊希聲而待

物吞九溟於筆海若控濛抗五岳於詞峯如臨蟻垤馳魂霧谷  
忻逢紫岫之英驛思霞立佇接青田之響某此巖曲藝東臯下  
節攀翰苑而思齊僚風而立志迹疲千里米陪丹轂之游葉契  
三英上隔黃衣之夢謹憑洪代輒錄舊文輕敢上呈列之如右  
涓波有託望日谷以馳誠鍾鼓無施伏雷門而假息謹啓

二

某啓一聵不言媒紹輕承聃飾祇寵相驚俯仰無地何則循方  
極疑弊尚虧風雨之間撫翼濡鱗猶失江湖之上况乎九天鵬  
術一代龍門榮枯舛致山川在目而可以追騰白日忘言於咫  
尺之書干突清雲投跡於尋常之境徒以比林增秀弱翰知歸  
東壑流謙纖鱗未已神交道合君侯昭片善之榮千載一時下  
走得長鳴之所是用謬憑高獎曲撰蕪音游海無際過雷自讐

雖黃金激憤指秦路而方窮蒼壁慙息伏焦原而未遠謹啓

上李常伯啓

前人

某啓某聞杞林騰秀羽族知歸腸谷流謙波臣有託然則朝光  
八聖尚欣牧賢之詞道濟五殘未隔與人之誦謹憑斯義輒呈  
宸遊東岳頌一首當仁不讓下走無慙於自媒聞善若驚明公  
豈難於知我龍門尚遠眇黃道而無階爵里既投斗丹聞而有  
也伏願慙停左右曲流國士之恩廣進芻蕘俯息樵夫之議輕  
陳徑捷退用防徨

上皇甫常伯啓二首

前人

某啓一聵奉命令寫新對臺策及前後舊文謹憑國士之恩敢  
進與人之頌竊以龍鑣就路駑駿相懸鵲鏡臨春好蚩自遠亦  
有飛霜匝地蘭蕭御其盡之悲列火埋岡玉石抱俱楚之隳然

則知音罕嗣流本空存至寶不同荆山有淚君侯飾揚芻議提  
獎蕪詞白圭成再見之榮黃金定一言之重鵬鷖既接仰雲逕  
而將趨龍馭可登指星臺而有望循襟佩德撫事知思山岳有  
輕河漢無極謹啓

二

恭啓自恭陳薄伎祇奉話言咳唾成思睟矚為飾狂夫擊節方  
思孤竹之風壯士寒心實有長楊之作謹憑嚴命輕呈乾元殿  
頌一首將冀導江至海常以筆札見知南館西園遂與簪纓為  
伍德雖無盡攀驥尾而方遙生也有濶比鴻毛而非重謹啓

上吏部裴侍郎啓

某啓猥承衡鏡驟照皆擇本慙刀筆之工虛荷彫蟲之騰殊  
息屢及嚴命類如貴光耀於昏冥課宮南於寂寞進退惟容

夏喜聚門誠恐下官員輕進之譏使君侯招過聽之議貴賤交  
失息愛兩虧所以戰懼盈旬遲迴改朔懷鄭璞而增愧捧珉燕  
而自耻某性惟惰昧謝識沉宜蒙父兄訓導之恩藉朋友琢磨  
之義好學近於智力行近乎仁知忠孝為九德之源故造次必  
於是審名利為五常之賊故顛沛而思遠雖未之達也亦有其  
志焉孔子曰言及之而不言謂之隱今者接君侯者三矣承招  
延者再矣抑亦可以言乎夫文章之道自古稱難聖人以開物  
成務君子以立言見志遺雅背訓孟子不為勸百諷一揚雅所  
耻苟非可以甄明大義矯正末流俗化資以興衰家國由其輕  
重古人未嘗留心也自微言既絕斯文不振屈宋導澆源於前  
枝馬張淫風於後談人主者以宮室苑囿為雅叙名流者以沉  
醜驕奢為達故魏文用之而中國衰宋武貴之而江東亂雖沉

謝爭驚適足兆齊梁之危徐庾並馳不能救周陳之禍於是識  
其道者卷舌而不言明其弊者拂衣而徑逝潛夫昌言之論作  
之而有逆於時周一作公孔氏之教存之而不行於代天下之  
文靡不一作壤矣國家應千載之期恢百王之業天地靜默陰  
陽順序方欲激揚正道大塵人黜非聖之書除不稽之論牧童  
頓顙思進皇謀樵夫拭目願談王道崇大厦者非一木之材匠  
弊俗者非一日之衛衆扶則立盡真長則為銷自然之數也君  
侯受朝廷之寄掌銘範之權至於無詠澆淳好尚邪正宜深以  
為心者也伏見鈴擢之次每以詩賦為先誠恐君侯器人於翰  
墨之間求才於簡牘之際果未足以採取英秀斟酌高賢者也  
徒使駿骨長朽真龍不降銜才飾智者奔馳於末流懷真為蘊  
璞者栖遑於下列易不云乎言行君子之所以動天下失之毫

釐差以千里書不云乎弊化奢麗萬葉同流餘風未殄公其念  
哉嗟乎蓋有識天人之幽致明國家之大體辨焉而不窮酌焉  
而不竭抱膝無悶軒衡自得彼悠悠之一作枝焉足為君侯道  
哉自非奉閑宴接清談未可一二言也然竊不自揆嘗著文矣  
非敢自媒聊以恭命謹錄古君臣讚十篇并序雖不足塵高識  
之門亦可以見小人之志也伏願暫停左右少察冒襟觀述作  
之所存知用心之有地謹啓

文苑英華卷六百五十六

登仕郎胡

柯

鄉貢進士彭

叔夏

校正

文苑英華卷第六百五十七

文苑英華卷第六百五十七

文苑英華卷第六百五十七

文苑英華卷第六百五十七

文苑英華卷第六百五十七

文苑英華卷第六百五十七

文苑英華卷第六百五十七

文苑英華卷第六百五十七

啓七

上文章啓下

上吏部侍郎帝京篇啓一首

獻江陵公雜文啓一首

上湖南李中丞啓一首

獻江陵趙相公啓一首

寄嚴東川啓一首

上裴門下啓一首

上襄陽李僕射啓一首

上興元權尚書啓一首

上令狐相公詩啓一首

為舉人獻韓郎中琮啓一首

為先輩獻集賢相公啓一首

獻相國京兆公啓一首

上和巴文章啓

獻詩啓一首

上蔣侍郎啓二首

上悲相公啓一首

上吏部侍郎帝京篇啓

駱賓王

羣玉啓昨引注日垂素鄙文拜手

集作首

驚魂承恩累自楚



翬丹質在荆南以懷集作多 慙遠豕白頭望河東而載惡心賓王

散材易朽蟠木難容雖少好讀書無謝高鳳而老不曉事有類

揚雄徒以易象六爻幽贊通集作適 乎政本詩人五際比興存集作在

乎國風故體物成章必寓集作為 情於小雅登高能賦豈圖榮於

大夫蓋欲樂道遺榮從心所好非敢希聲刻鵠竊譽雕蟲至若

資集作質 醜行以自媒銜庸音而苟進固立身之殊集作破 路行已

之外篇矣君侯諡明略以佐時虛靈臺以照物觀梁之曲識卧

龍於孔明聽康衢之歌得飯牛於甯戚是用異人翹首俊又歸

誠獨此集作恨以 庇賤之姿謬奉請通之盼雖仲由之瑟終闕響於

立門而宋王之謚儻均音於郢路敢忘集作非 下里輕用集作冒 上

呈麻道叶起子陳卜商之四始恐吾幾失子効然明於一言拜

首增慙憂心如醉謹啓

獻揚川李吉甫相公雜文起

宗元啓始閣下為尚書郎薦寵下輩士之顯於門閭者以數而

某尚幼不得與於廝役及閣下遭謫妬在外十餘年又不得効

簿伎於前以希一字之褒貶公道之行也閣下乃妬為贊書訓

辭擅文雅於朝以宗天下而某又以此時去表署之位受放逐

之罰存仍因錮視日請命進退違背思欵一日伏於集作在 門下

而不可得常恐抱斯志以沒卒無以知於門下冥冥長懷魂魄

幽憤故敢及其能言貢書編文冒昧嚴威以畢其志伏惟覽觀

甚幸甚幸甚閣下相天子致太平用之郊報則天神降地祇出

用之經邦則百貨殖萬物成用之文教則經術興行用之武事

則報辭翦威依倚而冒榮者盡去幽隱而懷道者畢出然後中

分有固公接東諸候而天下無患盛德大業光明如此而又有

固公接下之道斯其所以廢銅擯集作濱死而猶欲致期志焉閣下儻以一言而揚舉之則畢命荒裔固不恨矣謹獻雜文十首雜文十首上獻縲囚而干丞相大罪也寧為有聞而死不為無聞而生去就乖野不勝大懼謹啓

與湖南李中丞啓

宗元啓宗元無冀能獨好為文章好用此以進終用此以退今者為罪悔無處伏匿惴慄猶未能去之時時舉首長吟哀歌舒泄幽鬱因取筆以書紉帛而編略成數卷伏念閣下以文明見大僚統方隅而某幸緣罪辜得與編人齒於部內不以此時榮其所為以希大君子顧視則為陋劣而自棄也敢飾近文及在京師官命所草者凡三卷合四十三篇不敢繁故也儻或以為有可采者當繕錄其餘以增凡席之汙去就鄙野伏用兢惶謹啓

啓

獻江陵趙相公雜文啓

前人

宗元啓往者常侍坐於崔比部開其言曰今之為文莫有居趙司勳右者自是恒欲飾其所論着為之閣下病者未就將進且退者殆十數焉幸以廢逐伏匿獲申其業類於嚮者若有可觀然又以罪惡顯大甘死荒野不能出其固陋以永知於閣下則固昧昧徒生於世矣謹獻雜文十首儻還以數字定是非使得存於世則雖生於蠻夷居魂與魍魅遊所不辭也輕黷威尊集

伏增戰懼集作怪灼謹啓

寄嚴東川啓

前人

宗元啓伏惟僕射以仁厚留生人以勇義平國難而劍門用兵之事最為天下倡首取其險固為我要衝王師得以由其門而

入彷徨布護遂無留滯是閣下之勳力宜着於萬祀而不已也  
某負罪俟命刻覲望道理深遠不得悉聞當時之威聲然而竊  
以累受顧念踴躍盛德唯恐沒身炎瘴卒無以少報於閣下是  
以晝夜恟恟不克自寧令身雖販棄廢幾其文猶或傳於世又  
焉知非因閣下之功烈所以為朽之端也敢默默而已乎謹  
撰劄門銘一首惶恐上獻誠無以稱宏大之畧亦足以發平生  
之心不勝慙懼戰越之至謹啓

上裴門下啓度

前人

宗元啓伏以周漢二宣中興之業歌於大雅載在蜀本史官然  
而申甫作輔方召專淮夷之功魏丙謀謦辛趙致罕羌之續文  
武所注中外莫同伏惟相公天授皇家聖賢克合謀協德一以  
致大平入有申甫魏丙之勤出兼方召辛趙之事東取往右比

服恒陽略不代出功無與讓故天下文士皆願秉筆續勤思慮

以贊述洪業

集作烈

聞揚大勳某雖販辱年逐守在蠻裔猶欲振

發枯槁決疏潢汗聲效蚩鄙小佐毫髮謹撰平淮夷雅二篇恐  
懼不敢進獻私願徹聲聞於下執事庶宥罪戾以明其心出位  
僭言惶戰交積無任踴躍屏營之至不宣某謹啓

上襄陽李僕射啟

想

前人

宗元啓昔周宣中興得賢臣居虎師出漢江以平淮夷故其詩  
日江漢之僻王命召虎其卒章曰子周受命自召祖命以明虎  
者召公之孫克承其先也今天子中興而得閣下亦出江漢以  
平淮夷克承於先西平王其事正類然

而未有嗣大雅之說以布天下天下以施後代豈聖唐之文雅

獨愧

集作獨

周室哉某身雖陷販而其論往往不為世屈意者殆

不可自簿自匿以墜斯時苟有補萬分之一雖死無憾謹撰平  
淮夷雅二篇齋沐上獻誠醜言淫聲不足以當金石度繼代集作  
洪列裨官里人得采而歌之不勝憤踊之至輕贖威尊戰越交  
深謹啓

上興元權尚書啓

元禎集無

某一作某間周諸侯生桓文時而不列於盟會則夷狄之以其微  
不能自達於明主也元和以來貞元而下閣下主文之盟餘二  
十年矣某亦盜語言於輕籍卒未能效互鄉之祭玄纁青旌晨

一作泉

皆可疑以環梁十六州之地授閣下髦蓋鉄祭玄纁青旌晨

一作泉

魚符仰信車諸左右輔府置軍司馬以下官屬刻節而摠制之  
則某實為環內之州司馬而又移疾謁醫在閣下治所私心懼  
快願及前恥然而吏通又初有言通之州幽陰險蒸瘴之甚者

私又自憐其才命俱困恐不能復脫於通由是生心悉所為文

留置友善冀異日善惡不妄於朋類耳篋篋之內遂無遺餘方

創新一作

詞以須供一作

贅不瘡痍暴侵手足况癢恐一旦神棄

其其形終不得自進於閣下因用官通已未所作詩及常記憶  
者共五十首又文書中得遷廟議移史官書戡難紀并在通時  
叙詩一章次為卷軸封用上獻塵黷尊重帖伏迴違謹以啓陳  
不言謹啓

上令孤相公詩啓

前人

某起某初不好文徒以仕無他技一作強由科試及有罪譴棄之

後自以為癯滯潦倒不復以文字有聞於人矣曾不知好事者

扶摘芻蕘塵黷一作尊重一作承相公直於廊廡聞道某詩句昨

又面奉教約令獻舊文戰汗悚踊一作慙忝無地某始自御史

府調官於外今十餘年矣閑誕無事遂用力詩章日益月滋有

詩向千餘首其間感物寓意可備矇聵之諷達者有之詞直氣

麤罪戾是懼固不敢陳露於人惟盃酒光景間屢為小碎篇章

以自吟嘯然以為律體卑痺一作格力不揚苟無姿態則陷流俗

常欲得思深語近韻律調新屬對無差而風情自遠然而病未

能也江湘集作間多有新進小生不知天下文有柰主英華玉

妄相倣做一作而又從而失之遂至於一無支離褊淺之詞皆自謂

二字為元和詩體某又與同門生白居易友善居易雅能為詩

就中受驅駕文字窮極聲韻或為千言或為五百言律詩以相

投寄小生自審不能有以過之往往戲排舊韻別創新詞名為

次韻相酬蓋欲以難相挑其江湘一作間為詩者復相倣二字一作

力或一作不足則至於顛倒語言重復首尾韻同意筆不異前

篇亦自謂二字為元和詩體而司文者考變雅之由往往歸咎

放其嘗以為雕蟲小事不足自明聞相公記憶累旬已來實懼

糞土之墻疵一作大厦便一作不復摧壞實一作為版築者之誤

輒敢撰一作寫古體歌詩百首百韻五兩韻律詩又一百首合為

五卷奉啓跪陳或希構厦之餘一賜觀覽知小生於章句中藥

搯攘插之林盡曾量度則十餘年之遄迴不為無用矣三十一作無

詞旨瑣劣冒瀆尊嚴俯伏一作刑書不敢逃讓死罪死罪亦用心耳

一作皆唐文粹 為舉人獻韓郎中琮啓 李適隱

某啓某少承嚴訓早學古文非聖文書未明閑慮論都之賦頗

亦留神徒以不受集作綵毫未吞瑞鳴馳名江左陸機莫及於

材集作多擅譽鄴中王粲終聞於體弱上下群士差池累年頃

者輒露疎蕪不思狂簡捧檣火以干日御動已光銷抱布鼓以  
詣雷門忽然聲寢不謂郎中搜才路廣登客寬門望大附書冀  
鷄談易持垂題月曲賜丹青旋屬榮嶠從行神州視膳同孟陽  
覲蜀北孝苦之歸齊雖佩恩私竟乖陳謝光陰荏苒誠抱勤奉  
今此秋期遂有天幸更奉禰衡之刺敢無駸蔑之言某在京多  
時自天有疾失外郎為名之限俯神臯試士之期物情既集於  
宗師公撰果歸於今季才材者皆云道泰抱器者自謂時來以  
不和為玉人無不妝之瓊玖得蹇修為媒氏無不嫁之鸞姪集作姑  
是以願託一券潛布百兩顧方流而有託慮良會之猶賒伏惟  
即中與先輩賢弟價重兩流譽高二陸北李膺則仙舟對棹方  
馬融則絳帳雙蹇若某者雖陋若左思瘦同沉約無瘦信之腰  
腹之崔琰之鬢眉然至於感分識歸術誠議報將酬揚寶則就

雀求環欵存孔愉則從龜覓印推其思類不從他人謹復陳集  
作袖新文重干清覽馬鄉室邇孔子牆高遲面莫由隳肝無所任  
重道遠方懷驥坂之長鳴一日三秋空詠馬嵬之清什知深可  
恃言切成煩幽谷未見於鶯喬曲沼空勤於鳧藻仰瞻凡閭伏  
侍簡書謹啓

為先輩獻集賢相公啓

前人

某啓某竊觀集作親貞觀朝書伏見文皇帝因剪吹塵方求風后  
于畋問下炤載磻溪事倖於王圖集作塗道光於帝載下惟敷社上  
則虛襟纏綿圖緯之前窅窅天人之際崇基立極四足雖斷於  
神集作巨鼇開物成功七竅仍沾於混沌禹羞乘輦舜恥彈琴白  
馬已見於將雛朱草仍聞於滯穗共工蚩尤之輩與貳負同拘  
豕韋晉耳之徒與七驕共御是以今上貽謀負宸相公以餘慶

持衡用十一德之資贊七百年之祚古猶今也仁豈遠乎伏惟  
相公日觀同光天殊並價揚鋒露鏗則武庫常開散藻擗華則  
文星鎮見一言悟主三接承恩季孟伊錄友朋蕭邛漢皇發論  
十萬常愧於淮陰齊后推誠一二皆歸於仲父百度既已貞矣  
九流又復清焉牆東竈北隱淪者咸欲呈材猿飲鳥言僻陋者  
思入貢莊生獻臂揚子拔毛三百篇之詩更無諷刺二百年之  
史永絕譏嫌斯乃有代可知一言可集作蔽豈立雖側管可折  
筆尋環魏乎煥乎盛矣美矣若某者部集作心寡竅對面多牆  
小北焦螟敢矜巢窟微同觸代寧務戰爭徒以簪紱承家階庭  
受訓堂中得桂已有前叨幕下開蓮仍當後承所宜結囊無咎  
絲服為榮絕方朔之上書罷禰衡之役刺直以措心賢路誓志昌  
時既慕義無窮思有道則見伏惟相公霧能蔚豹燔集作可

南作九州之未鐸任安彥國已在於廡中揚子馬鄉並歸於問  
下而猶渴飢未副影響無寧請客者不鮮衾裯當關者空有皮  
骨比某所以淮山遠至漢棧斯末望姬但之吐食冀張華之例  
徑以昇堂客衆擁簪人多苟無駁蔑之言難佐仲宣之恧今輒  
以嘗所著文若干首上獻伏惟少迴巖電微駐台星固無望於  
討論庶或觀於指趣倘蕭糧可刈管蒯無遺蒙文宣一字之褒  
得玄晏三都之序便若神正去癘司命天年祈禱之誠造次於  
是門遙閭闔路隔瀛洲於人世存司命天年席以中仰望未見  
端現希倍上士之流終預群仙之末祈恩望德乃百斯生干冒  
威嚴下情無任惶懼感激之至謹啓

獻相國京兆公啓

前人

某啓稟五行之秀備七情之動必有詠嘆以通情思故陰慘陽

舒其塗不以安樂哀思厥源數千遠則廊庑曹齊以揚領袖近  
則李蘇顏謝用極菁華嘈噴而鼓鍾在懸煥爛而錦繡入翫刺  
時見志各有取焉某爰自弱齡側聞言義畜連薄官感念唯群  
東至泰山空吟梁父南遊鄧澤徒和陽春遊於自得之場實竊  
德音之選伏惟相公既秉某作大政復振斯文論風雨則秋非  
華作木芬華語霜霰則春條零落奔軻於風力解鞍於伊谷宮  
商資正是之音寒暑協中和之序是故贊其纓拾俟彼斧斤神  
氣雖怯於大巫名字願聞於下客舊詩一百首謹封如別廷之  
設問希飽昭之一言何遜著名繫沈約之三讀干冒嚴重延望  
恩輝進退之間若據泉谷伏惟俯賜容納謹啓

上知己文章啓

杜牧

某啓某少小好為文章伏以待師之師也是教謹貢七篇以申  
以志情積惡當權者以承意中傷直視孤危橫相陵祖絕非飛  
馳之路塞飲啄之塗射血有冤叫天無路此乃通人見愍多士  
具聞徒共與嗟靡能昭雪竊見玄宗皇帝初融景命遽側宸襟  
收賦瑕疵申明枉結劉丞相尋揚擾詔蘇許公澗色昌暮五十  
年間風俗郭厚建及翔泳未安其所雨暘不得其和匠夫匹婦  
之吁嗟一縷之幽鬱欲其昭泰必仰陶鈞某進抱疑退無依據  
暗處囚拘之例不沾浹汗之私與煨燼而俱捐比昆蟲而絕望  
則是康莊並軌偏哭於窮途日月懸空獨彰於豐部伏以相公  
致堯業裕佐禹功高百姓咸被其人一物不遺於姓儻或在塗  
與歎解彼右一作驂彈劍有聞遷于代舍瞻風自卜與右為徒此  
道不評貞明未遠謹以文賦詩各一卷率以抱獻謙細儼陋造  
寫繁蕪干冒尊高無任惶灼



文苑英華卷第六百五十七

登仕郎胡柯 鄉貢進士彭叔夏校正

文苑英華卷第六百五十八

啓八

投知一

為蘇令本與岑內史啓一首

上明負外啓一首 上許左丞啓一首

上郎都督啓一首 上司劉大常伯啓一首

上李少常伯啓一首 上宛州刺史啓一首

上宛州崔長史一首 上宛州張司馬啓一首

某啓某聞

為蘇令本與岑內史啓

陳子昂

某啓某聞子以母貴自古通方禮以親榮在昔恒理豈非奉上之道休泰必同膝下之恩親愛先及伏惟舅寵居密戚位列崇班實富貴於當今允尊榮於前代君得言之地據至要之途九族同欣皆憑於漿聘六親咸賴仰德於恩波莫不涕飾集作生

其羽儀談薦長其光價某自惟未品忝在甥徒早蒙撫育之恩  
 不殊骨肉之愛自痛無福家禍遂纏受在孤遺載延慈眷愛同  
 諸子禮越常流遂得教訓成人策名從宦舅又曲垂顧念恩甚  
 庭闈渭陽之情實多荷載猥以痛薄叩累周行自委贖戎班集  
 作名果毅經今一十三載集作矣內竟未一遷仰望齊流莫不  
 皆居頭位旋觀時輩亦已再歷榮班猥亦何人集作獨空嗟留  
 滯雖途命垂殍良或甘心然親貴盈朝豈忘提獎所以仰瞻恩  
 惠不棄於踈微冀降慈仁集作有降於孤賤伏願舅大誼收採  
 之眷特垂咳唾之恩務憫小子使得宦及朋友寵以親榮私門  
 載昌幽且是賴豈不幸甚豈不幸甚無任企仰之至謹奉啓不  
 宣謹啓

上明負外啓

王勃

某啓側聞金烏聲轡俯圓遂向抽光陞免浮輪侯方諸而吐液  
 斯則洪纖異數冥符造化之津高下相懸精契陶鈞之表故知  
 聲同義合存長初於三州理隔氣殊置山川於一面神交可託  
 風雲於梓曰之間道不虛行汪涓於著裙之列其有跡申知己  
 投節理於思齊事迫當仁抱龍泉而願割雖荆山已峻多輕抵  
 鵠之玠而渤澥方奉敢進歸鳥之影伏惟丈人殊躔降德銑杜  
 抽英何岳縱其神器煙霞發其符采江東第一家傳正始之音  
 日下無雙譽重名流之首三冬文史先兆跡於青衿百里絃歌  
 即馳芳於墨綬彭澤陶潛之菊勝氣仍存河陽潘岳之花芳風  
 遂遠一作荳加徒袂一作上清蘭府之遊寵奪攀輪更長逢山之  
 務麟圓緝謚定榮辱於三泉鶴閣一作裁書考薰猶於四部既鶴  
 鳴雲路望偃朝端鳴漸星臺府諧會議兼平譽號李宣伯之

當官雅操繩時山臣源之稱職加以文場武庫發揮廊廟之  
師瓊樹瑤林寥廓風塵之表一丘一壑同阮籍於西山一嘯  
一歌列穉於東北面詞修懿務遙騰駕日昨之陰辨鏑橫霜直  
上衝星之氣鳥鍾蓋韻聞片言而指掌鸞鏡懸心見一善  
而明目情源九派士流欣滿腸之期德字千門詞人有疵身  
之望方當坐談帝席確視羣公豈徒北跡天府雖伏卽官而  
已哉某崇微啟緒盛德在家承大子之仙宗折將軍之遠系  
朱輪在漢列高士於三台青蓋浮江扈平王於七姓遺風舊  
列尚存清白之塞祖得家聲伐有縱橫之日及金陵東覆玉  
馬西奔髡頭傑起文儒繼出鳳鳴朝日森稍煙雨之標龍躍雲  
津盤礴江山之氣雖椎名雅譽隨朝也而揚聲而必見雕軒北  
南風而不兢陳太丘之積善羔鴈成群謝車騎之餘芳蘭蓀不

替趨庭洽訓其歌朱萼之篇避席承歡猶守青箱之業嘗謂  
酣神比阜籍春諸而忘歸動影南橋坐秋山而長往不意蘭皋  
獨嘯輕交委鶴之書芝潤行誼生辱飛龍之使年殊賈誼仰宣  
室而方同業謝劉繇俯長途而遂惡塞上浮雲之迹空倦吳山  
隨侯明月之殊終悲暗室豈不知佛衣長謝林泉多倦厭俗之  
回矣枕有餘廟堂非養高之所松楹坐月臨黛壑而遐征桂席  
攀風俯青崑而自足而欲俛首屈膝逖巡多士之林弟影慙菟  
骭辭文昌之府徒以牛蹄已倦臨文壑而驥鱗羊角可逢想高  
衢而撫翼參名國士方叨智伯之思揮迹奉常冀雲公孫之恥  
識正平於處士雖在孔融期仲容於皇外終資許允猶恐先馳  
析翮頻驚鷓鴣路之風再舉枯鱗空擊龍門之水文人借以顏色  
資以恩波垂雅契於長年叙清交於累伐情加倒履知步頂之

生光禮極昇堂覺聲名之有地是用俯抽舟思上瀆清顏鏤殊  
獎於肝膈御德音於咳唾懦夫增氣先歌易水之風杜士投心  
思赴吳宮之大恩崇命淺瞻梁可而泛山高海深涉孟門而向  
險謹啓

上許左承啓

前人

某啓自遠阻思華嬰纏風羔乎遇空谷劍跡仙臺同衛玠之虛  
羸談非正始愧劉楨之逸氣師似漳濱朝野既殊風猷遂隔望  
芝蘭之漸遠覺鄙恠之都生所以替下松丘言游洛免永懷前  
倦擬送迺元禮之門迺首下風匍匐文章之府實願稍損人事  
少奉清言質儒釋之幽擬訪空玄之極境願聞者道敢披江海  
之心所進者榮非暴軒常之重雖處絕位殊空塵左右而道存  
目擊豈隔形體輕陟階堂伏深悖越謹啓

上卽都督啓

前人

某啓某聞古之君子重神交而貴道合者以其得披心胃而盡  
志義也是以叔牙苟在管仲分多而不貪無知尚存陳平受謗  
而非罪何則達其趣者龍申某迹收其大者龍讓其細也今某  
陳鄙之一書生其少懷耿亮頗慕高列俛仰相得則屠博可遊  
造次不諧則軒冕異路蒙君侯國士之遇受君侯長者之禮繼  
繚談譟教勤誨諄今有情而不告是不盡也有窘而不託是有  
疑也將恐季布無侶於後葉孫賓獨稱於前古嗟采可以謂誠  
矣敢不盡言采劬家大人天下獨行者也性惡儲劍家無擔石  
自延困繾遠辜遘遇常願全雅至於慕齒揚素風於下邑而道  
里延遙資糧寔鮮秩寡鍾釜債盈數萬此其所以側目扼腕臨  
澤履溥康途知己之厚以成大人之峻節也古人有言富觀其

所與觀其所取又曰損有餘補不足於君侯何如哉然則定其  
交而後求敢無愧免易其心而後語夫何飾讓賑給之義既惟  
其常厚薄之嗟仍希俯訪輕塵視听伏增兢惕

上司列大常伯啓

駱賓王

側聞魯澤祥麟希委質於宣父吳龍逸驥寔長鳴於孫揚是則  
所貴在手見知所屈由集作神手知已故彫其僕墀陽集作山有半  
死之桐賞其聲柯亭無求枯之竹伏惟明常伯公義天縱幹集作  
橫九霄而拓基浸地開源控四絕而疏派自赤文薦社曲阜分  
帝子之靈縈氣浮山集作山丞谷託真人之季本技百伐君子萬  
年道叶神交黃石授帝師之略德攸集作由天縱白雲集作星降王  
輔之精至若峯秀李列山三墳而仰止潤清筆海珠四瀆集作流  
委以朝宗登小魯之巖辨練尤於曳馬臨大吳之國識寶氣於

連牛垂秋寶於談巖絢春華於詞花辨向飛箭激流翻白馬之

津文江散殊圓波微驪龍之穴是用德茂麟趾削相華以分理

道煥鶴集作觀池取排花而曳綬既而撥留皇鑒忠簡帝心奉職

眷宮燦離光於青殿代工天府明台耀於紫宸綜理玄風廢諧

元氣今揮礼閣咬愛日川流光散集作鏡彩又昌取得星而聞照

名乃職渡壳遠器手流通明允為誠盛業隆於厚

土惠和忠肅玄功格於上天則但陟謝其緝照丕成慙其保乂

舉才應啓與士無私水鏡澄華炫金彼於靈府水壺徹鑒即玉

燭於神機則鄧攸莫際具瀾盧毓宰窺具浙故速研蚩各安具

分輕重不失具摧五教克敦百揆時叙折衝千重魯連談笑之

功師表一時郭泰人命之度加以分庭讓士虛右集作度礼賢片

善經心揖仲宮於祭席一言合道接然明於鄭階賓王逢盧布

衣桑挹常帶自弱鈿植操本謝聲名中年誓心不所集作間達  
上則執鞭為仕王庭希干祿之榮况則捧檄入官私室庶代耕  
之願禱作然而仲不聞於十室學與專於一經退異善交集作截  
進殊巧宦搏羊角而高翥浩若無津附驥尾而集作上馳馮焉  
雖說實欲投竿重鉗晦幽集作跡於渭濱抱甕灌園絕機心於  
漢諸幸屬乾坤貞觀烏兔光華嵩山勤萬歲之聲德水應千年  
之邑雖為光宅次預此屋之封而有道賤貧恥作歸田之賦於  
是場末獲牖利見金門指帝鄉以望雲赴長安而就日美芹之  
秀集作願集作徒有獻於至尊蟠木之姿誰為容於左右明公惟幾成  
務論道經叩一顏之隆駱足諭於仙鹿片言之重魚日軼於靈  
虵度望顧兔離集作羅箕動熏風於彝海從龍潤礎霽甘雨集作  
作於堯雲則續餘之魚希振鱗於吳水膳後之豕翻化龜於魯

津趨拜階集作階集作增其款咨謹啓

上李少常伯啓

前人

賓王啓

爲

賓王啓竊惟陰陽作炭化一氣以陶甄天地為爐混萬物於集作  
作芻狗然則壁輪均照咸流景於棗城玉燭平分猶集作獨翔寒  
於杰谷是知隆汙處集作襲榮穎相仍集作得氣者繁滋失時  
者零落伏惟集作君侯疏乾激派龍門開竹箭之波鎮地橫基  
鵠趨峙蓮花之岳集作曜重輝於若月炳豐彩於非煙至若瑞  
動赤光著元勳於東漢烽驚紫塞宣武功於北征弈葉龍光蟬  
聯龜組德攸天縱白星隆王輔之精道叶神交黃石授帝師之  
略故得三千運北擊舜海以廷鱗九萬圖南望堯雲而矯翰折  
衝千里魯連談笑之功師表一時郭泰人倫之度於是九重衝  
絳照星彩集作影集作於宸惟四達理輪震集作霜威於集作權右加

# 棉文苑

衣桑樞常帶自弱鈿植操本謝聲名中年誓心不所期集作間達  
上則執鞭為仕王庭希干祿之榮况則捧檄入官私室庶代耕  
之願集作然而仲不聞於十室學與專於一經退異善文集作截  
佳殊巧宦專羊角而高翥浩若無津附驥尾而集作上馳騫焉

此屋之封而有道賤貧恥作歸田之賦於  
鳥兔光華嵩山勤萬歲之聲德水應千年

是場末獲臚利見金門指帝鄉以望雲赴長安而就日美芥之

秀集作願徒有獻於至尊蟠木之姿誰為容於左右明公惟幾成

務論道經叩一顏之隆駱足諭於仙鹿片言之重魚日軼於靈

蛇度望顧免離集作非羅箕動熏風於堯海從龍潤礎霽甘雨集作澤

作於堯雲則繪餘之魚希振鱗於吳水騰後之丞翻化龜於魯

津趨拜階集作階增其訣咨蓮啓

賓王啓 上李少常伯啓

前人

賓王啓竊惟陰陽作炭化一氣以陶甄天地為爐混萬物於集作

作芻狗然則壁輪均照咸流景於萊城玉燭平分猶集作獨翔寒

於杰谷是知隆汙處集作送襲榮穎相仍集作滑得氣者繁滋失時

者零落伏惟集作以君侯疏乾激派龍門開竹箭之波鎮地橫基

鵠趨峙蓮花之岳集作領曜重輝於若月炳豐彩於非煙至若瑞

動赤光著元勳於東漢燿驚紫塞宣武功於北征弈葉龍光蟬

聯龜組德攸天縱白星隆王輔之精道叶神交黃石授帝師之

略故得三千運北擊舜海以遊鱗九萬圖南望堯雲而矯翰折

衝千里曾連談笑之功師表一時郭泰人倫之度於是九重衝

絳照星彩集作影於宸帷四達理輪震集作振霜威於集作權右加

衣桑樞常帶自弱鋤植操本謝聲名中年誓心不所集作間達  
 上則執鞭為仕王庭希干祿之榮况則捧檄入官私室庶代耕  
 之願集作然而仲不聞於十室學與專於一經退異善交集作載  
 進殊巧宦搏羊角而高翥浩若無津附驥尾而集作上馳馮焉

晦幽集作跡於涓濱抱甕灌園絕機心於  
 鳥兔光華嵩山勤萬歲之聲德水應千年  
 此屋之封而有道賤貧恥作歸田之賦於

是竭來癘臍利見金門指帝鄉以望雲赴長安而就日美芹之  
 秀集作願集作徒有獻於至尊蟠木之姿誰為容於左右明公惟幾成  
 務論道經叩一類之隆駱足諭於仙鹿片言之重魚日軼於靈  
 虵度望顧免離集作羅箕動熏風於舜海從龍潤礎霽甘雨集作  
 作於堯雲則繪餘之魚希振鱗於吳水騰後之豕翻化龜於魯

津趨拜階集作階集作增其款咨謹啓

賓王啓 上李少常伯啓

前人

賓王啓竊惟陰陽作炭化一氣以陶甄天地為爐混萬物於集作

作芻狗然則壁輪均照咸流景於萊城玉燭平分猶集作獨翔寒

於杰谷是知隆汙處集作襲榮穎相仍集作得氣者繁滋失時

者零落伏惟集作君侯疏乾激派龍門開竹箭之波鎮地橫基

鵠趨峙蓮花之岳集作曜重輝於若月炳豐彩於非煙至若瑞

動赤光著元勳於東漢烽驚紫塞宣武功於北征弈葉龍光蟬

聯龜組德攸天縱白星隆王輔之精道叶神交黃石授帝師之

略故得三千運北擊舜海以廷鱗九萬圖南望堯雲而矯翰折

衝千里曾連談笑之功師表一時郭泰人倫之度於是九重衝

紱照星彩集作於宸惟四達理輪震集作霜威於集作權右加



以分庭讓士虛席集禮賸片善必甄揖靈翻於東箭一言可紀

許顧榮以南金某蟠木朽抹散擗賤質牆面難用灰心易寒集然作

退無毛報之交進乏金張之授愧然獨處集作一紀干載於茲

矣然而日夜相歎集作溝壑以集作非選貧病交侵思薛羅而

可託嘗欲垂幽控寂追綺季於青山樂道拙真從魯連於滄海

幸屬舜門廣關漢弊交馳遂得佇肅高立應文而動損聆冷大

野浮良文集作以流陰將恐在葉纖鱗終絕寡集作登龍之望槍

榆弱羽徒仰博鵬之高所覲曲見恩光資餘潤於東里襲承道

啓集作引託輕葛集蔓種於南摻撫已多慙胡躬彌懼集作懼對

側聞未遇孫陽監車無絕塵之跡時逢和氏荆山有連城之珍

豈若听清音於餘則枯相發收夜光於玄壁則在石騰輝在物

猶然况於含識者矣伏惟明使君公鳳容扼儀龍門標峻瓊姿

工集作岳立表秀干雲霞煥霜飛瑤貞鏡鑒集作煥霞霜霏登非鑿物既而代

天府中簡帝心擁熊蓋集作而撫百城建隼旗而臨千里坐

棠敷惠恩經去思部竹垂仁式歌來慕清凝燭夜花警震鳥外

勅九農內弘五教導之以禮齊之以刑書約法遵寬誤示二字

輕重之蓋還珠合浦波含遠近星至如卧理稱難坐肅匪易披

裳問疾愛景以字人寒惟廣所穆薰風以集作扇物飛集作霜

秋降叶集擊而放小人零雨集作春儒飾羔牲而禮君子於是

風筆俗集作必自男木吏不忍欺羨與於三高集作齊作芳猷膝於萬古者

乃清規遠鏡皎月色於靈一玄隆虛疑穆松風於智府听幾中

篋探瓊九流縉綺集作華作蔓於詞林綽仙集作花於筆苑之江翻

浪織玉翎以翾霞幸海鷲瀾級珠連麟集作於濯錦加以現具

得士擁筮禮賢汲引忘疲將大提不卷攘經味道之客望親園

以駁本廉流包略之夫規義園而遐集亦小善於毫芥顧正禮

於二龍振幽滯於祀少許分明於一棊淹中故俗禮於厚之清

集作規稷下遺民陶里義之餘化頌遊簡素少閑練細每蟋蟀

淒令映素雪於書帳茲維振羽載翠集作痛於翰池既而異壤

蛟才非憂鳥價不齊於南漢芳不重於東山幸屬日月光華雲

霞紛都方結美魚之網特謹扣角之詞奮短翻於榆枋集作榆

希高標之餘佛躍織鱗於須滴望鳥澤集作之微露所冀顧聒

曲流翦佛增價則鎖刀起一割之用跋弊致千里之行是以

知集竊混吹於齊手集作監飛聲於鄙集作皆集作抱集作山雞而自慙

顧遼承以多慙輕威顏不遑流汗謹啓

拙以終年幽道环井貧而卒歲直以棲遲五畝獲鶴鷓之數粒

肅條三途匱侏儒之斗儻雖則放曠林泉頗得閑君之趨而乃

寂寥蓬戶唯深邑養之憂是以望擻動容既南陽而聞寂所台

風駕漢郢路而本運方今涼秋屆節嚴風扇序衡陽松浦振潮

音於負霜寒高迴旬驚宵吟於靜野弓姓之禮斯及辟聘之際

是期不撥庸愚輕斯自御所冀分其未照惠以餘波得預觀光

全由咳唾儻雲鑿釋綫申其漸王之音霜匣開輝以照盤蛟之

影則陰山之雀敢懷食藥之心漢東之蛇斯至投珠之報不勝

窘迫之至謹啓

文苑英華卷第百五十八

卷仕郎胡

柯

鄉貢進士彭

叔夏

校正

文苑英華卷第六百五十八

上齊州張司馬啓一首

上大理崔大卿啓一首

上齊州張司馬啓一首

上齊州張司馬啓一首

上齊州張司馬啓一首

上齊州張司馬啓一首

上齊州張司馬啓一首

上齊州張司馬啓一首

文苑英華卷第六百五十九

投知二

上齊州張司馬啓一首

上齊州張司馬啓一首

上齊州張司馬啓一首

上齊州張司馬啓一首

上齊州張司馬啓一首

某啓昔者薛邑聞歌揖馮諼於彈鋏夷門竹

抱關何則志合風雲戴笠均手乘馬情諧道術志釜貴手得魚

是以揖集作蘭言於斷金集作蓬心於匪石庶清音動集作

聽賞流水於牙絃妙思通神叶成風於郢匠伏惟司馬公疏源

白水浸地軸以輪波暮慶黃軒感星精而誕命綴珠華於七耀

聯玉葉於五雲至天神石呈一作祥靈鈎表貺千年馭鶴

振仙駕集作於帝鄉七葉珥貂襲榮光於威里固以紛綸國緜

昭晰家聲洎乎鹿走周原相集作秦圖以集作與霸地分沛澤

翼唐運以基皇帝山王之玉潤金聲博望候之蘭薰桂馥羽儀

百代掩梁竇以霞寒鍾鼎一時旱表揚而岳立固集作得重規

遠鏡湛月路以流清茂趾集作遐補架雲外而擢秀公飛英鳳

穴藻五色以疑莘頭曜驪泉集作含九重而流集作潤風情

踈即霜明月淨集作之姿氣骨端嚴雪白水清之槩若乃性符

神授道擅生知挫二端於情峯朝九流於學海博聞強記辨晉

國之黃熊將聖多能識吾門之白馬言泉救迴驚濤布以飛瀾

文江濔清含濯錦而翻浪鬱槐市而集作增茂穆蘭室以流芳

於是集作應符觀光上國飛龍成卦利見大人搏羊角以

垂天展驥足而騰景翼化二集作

邛挹敬祖之清廉光贊外臺陳君回之亮直推公平而折獄磔

鼠謝其嚴明擁端慤而行仁化地慙其智勇加以清規日舉湛

虛照於米壺玄鑿露凝朗機心於水鏡諫光自牧恭已愛人片

善必甄揖虞翻於東箭一言可紀許顧榮於南金但某疾抱友

離材均擁腫進不能握蘭分竹縮銀苗於雲臺退不能絕粒茹

芝煉金丹地於肺而出沒風塵之內漂淪名利之間知集作無

毛薛之交仕乏金張之援塊然獨居集作者一紀于集作慈矣

然而日夜相代想集作溝壑之非集作送貧集作病交侵思薛羅之

可託尚欲乘幽控寂集作追夏黃於商山樂道栖真後魯

連於滄海豈圖語默易爽心跡難并集作陟集作橋之恨愈集

作深攀挂之情徒結是用絕心集作乾沒耽閱立墳謁子將於

南荆訪康成於北海西遊梁益効集作仰司馬王揚之風東入臨淄  
慕淳于管晏之智瞻言前古徒欲思齊俯惟當今空勞懷刺不  
意雲浮礎潤霜落鐘鳴揖郭泰虛丹有道斯在賞駿明於撤俎  
盛德猶存雖雅調清歌誠寡於郢路而庸音盪吹竊混奏於齊  
竿輕課撮藁裴揄揚盛德庶幾金波離畢零陵之石自飛理光  
建寅蕭立之火暫熟與子慙鱗角德輕集作類鴻毛愧汗如樊夏  
心若屬謹啓

上廉察使啓

前人

賓王啓每讀書見古人負米之情捧檄之操未嘗不廢書  
輟卷流涕傷心何則情蓄於中事符財感形潛於內吐應斯  
通而悅帝力以栖魂情欣養素仰皇華而息集作暢慮敢用披丹  
伏惟某公源控於輪激神濤而涵地基疏金闕架飛岳以韜雲

泊手塵鬣周躔

集集塵走周原

霜燕圖於即墨虵分沛澤封漢爵於華

城福祿攸鍾公候必復炳靈丹穴習襲

集集作

吉黃裳若乃峯秀學

山列三墳而仰止瀾清畢海委九流以朝宗登小魯之山辨練

光於曳

集作亂

馬臨大吳之國識寶氣於年牛垂秋實於翰林絢

春花於文苑清規湛秀照月旦於雕談素論疑玄開夜光於鈔

辨既而業成麟角引茅茹而彈冠道映鵷池絢桃林集作花而曳

緩揜留皇鑒金中簡帝心奉職春宮標離光於青殿代工天府明

神集作台

耀於紫宸故得龍綵垂光戰兩星而開照鷄蓋浮影翼

五雲以連陰賓王大塊流形小人餘慶幸向神入昂映白榆而

集作以流祥江使負圖上

集作沒

青蓮而薦北薰風黃扇聖日多集作楊

作暉進不能高議靈

集作雲

臺談社稷之上務退不能銷形地肺

揖箕穎之餘芳而出沒風塵漂

集作雲

淪名利十年無祿集作棣萬

里惟桑既而日遠長安出蓬門而西笑雲飄吳會逗松江集作浦

暹以南浮冀塵跡於丘申絕漢機於俗網獲承觀於膝下馭潘

輿於家園不悟地路遐張維白駒於控谷天羅迴布代黃鶴於

高雲顧已駕鈴合集作並從媒銜力農賤事未免東臯之勞反哺

私情虔切南陔之永少希顧復敢集作輒布懇誠雖噬指集作思

歸空軫倚廬集作閣之望而齧臂求仕非圖高蓋之榮明公資孝

履忠恕已及物惟幾成務論道經邦庶得顧免離箕集作星動清

風於舜海從龍潤礎霈甘雨於堯雲則曰於書生自銘恩於食

稻黃衣童子將賽德於食花拜首迴惶傾心霖霖謹啓

賓王啓側聞觸籠載翻負垂天而跼形伏捭羈帝望絕塵而蹤

足故以遊運綫集作網悞宋玉疑於嬰羅在藻足沒顧蒙在於

上擬立

照轍是以臨淄遺編奇束温於齊隣耶鄆下客効處囊於趙相

伏維明府公締跡集作址瓊峯虛立集作岳蔽丹霄之景圖基珠浦

涵集作作神派集作流瓜沃清漢之波玉札飛文綜宏詞於楚傳集作金

篇龍緝藝集作不玄集作雅道於扶揚孕蘭畹而生姿灑灑踵高門之慶

產銅銘而寫鏐荆藍宵象緯集作德之禎早集作初辨羝羊演飛龍

之秘策夙孔雀談對家禽之麗詞亦野浮炫價之光珠胎瑩色

丹穴陪來儀之迅鳳姿含彩虛襟轉臂詢逸照於蘭池神府驚

穎韻清音於桂浦談叢散馥韶餘芳集作氣於九蘭飛海筆灑

駭洪波於八水於是縮銅麟回製錦鳧如花沈下車息字攬轡

德聲洽詠仁風飄十地之雉道化偏誼惠露灑三天之渥神中

年之馴雉豈懼驍媒驚重泉之瑞鳶非關照舜雖則塵飛范甌

垂銀有結綬之華而乃調理密絃烹雞屈丞牛之量加以招携

白屋勸誘青衿近張必於驚論引王終於倒履遂使激流處客

望驥足以雲蒸栖汝遺村集作款龍門而霧會賓王縉蕭未品

拾艾幽人寓跡零壇挹危直之祕說托根馨渚戢戰勝之良談

集作幸以奉訓趨庭采輯情田於理密從師負笈美性識於

書圃集作至於九流百氏煩綜緝於三字集異端萬卷五車亦

研精集無其奧旨將欲優游三樂負杖以終年栖尾一立鳴絃

而卒歲以糠蔬集作不瞻其旨之養屢空單笥無餘集作朝夕之

勸寧裹是以祈南陽之捧檄擬毛義之清塵思魯國之執鞭蹈

孔立之餘志屬以商集作秋應節素集作席戒時風金將露玉

俱清柳篁與荷紺漸歇寔含毫振藻之日集作擒集作經折理

之期不揆雕朽之材竊冀足喬之路輒祈泛愛輕用自媒儻刑

璞無致於見疑集作無夜光不逢於集無按劍則沉骸九死終

望街珠殞首三泉猶希結草載塵清覽一作矚影外驚矚集作影

塵清外翫集作威嚴循心內駭謹啓

上梁明府啓

前人

賓王啓竊聞薛邑聞琴揖馮謖於彈鋏夷門佇駕顧候羸於抱

關何則志合風雲戴笠均乎乘馮情諧道術忘筌貴乎得魚是

用挹蘭言於斷金効蓬心於匪石度清音動聽賞流水於牙絃

妙思通神叶薰風於跖匠以上與上張伏惟其公儀天峙攝會

基控射牛之峯浸地開源驚濤疏釣鼉之浦至夫封侯廟食掩

金張以騫翥三主七公卑表揚而岳立故得重規遠鏡湛月

露以流清茂趾霞鋪架雲門而擢秀若乃博聞強記辨晉國之

黃熊特聖多能識吳門之白馬言泉救迴驚瀑布以飛瀾文江

溘虛涵濯錦而翻浪自表揚至翻浪張司馬啓同於是功超食


跖位典真鮮水鏡澄瀾照孤鷺之舜影鳴琴動操叶馴羣之雅  
音既而盛德有隣佑皇華而省俗君群不器色猶軒而觀風其  
疾抱支離材均擁腫自弱齡植操本謝聲名中年誓心不祈聞  
達始則執鞭為仕帝里希干祿之榮次則捧檄入官私庭庶代  
耕之樂然而忠不聞於十室學無專於一經退異善文進殊巧  
官傳羊角而選者翦浩矣無津附驥尾以上馬馱焉難託實欲  
垂竿接餌晦名迹於渭濱抱甕灌園絕機心於漢渚幸翁  
乾坤貞觀鳥允光華嵩山動萬歲之聲德水應千年之色雖  
無光宅州預北屋之封而有道貧恥賤作歸田之賦從自弱處  
三字曲前  
至之賦一百五  
卷上太常白啓同明公顧眎成飾咳唾為恩漏微潤於江波  
汎末光於隣燭幽禽遷木侶丹山於帝梧鳥石浮川應  
鍾於仙管敢布心也詎能

者在三千里外一節吏復有衣食生之所須悉多欠闕歎其  
安活而無歎嗔悲恨不可得也去歲伏蒙思念出於私曲語今  
州鄭常待云更與一官必汪東去某承受仁旨不敢不重以錢  
塘更塵視聽今自動曹擢為廢置在某更授一官已榮遇矣在  
相公必任東去之言愕然在耳近者累得未書告以羈旅困乏  
聞於他人可為酸臯況於某心豈易排遣今年七月湖州月滿  
敢取重書血誠再于尊重伏希憐憫牧賜此擬某伏念骨肉悉  
皆早衰多病常不以壽考自期今更得錢二集作  
三百萬資  
弟妹衣食之地假使身死死亦無湖州三考可遂此心湖州名郡  
也私誠難遂也不過知己豈得知志瀝血按肝伏紙並淚伏希殊  
造或賜濟活下情無任懇悃惶懼之至謹啓

為堂兄慥求禮州啓

前人





原件短缺

卷660缺内容

某啓庫部家兄昨者特蒙獎拔却忝班行實以聰聞稍難不敢  
更求榮進今在郢州汨口草市絕俸已是累年孤外生及姪女  
堪嫁者三人仰食待衣者不啻百口脫粟蒿藿終及姪一食伏  
蒙仁恩類賜顧問必許援極授以涪湯語於闔門無不感涕伏  
以相公上位聖主蔚爲元勳思隨風翔德興氣游雖一物之微  
西河之銘造所及罔不得宜伏念庫部家兄承一顧之恩二紀  
不替伏恐機務繁重不時記憶心迫情切輒敢重干尊嚴戰汗  
憂惶伏地待罪謹啓

文苑英華卷第六百六十一

登仕郎胡

柯

鄉貢進士彭

叔夏

校正

